

兩

浙

輶

軒

錄

兩浙輜軒錄卷三十四目

汪得稻 汪治 李汪度 成城 孫士毅

郝觀成 江縉 宋光熊 嚴誠 鄭師雍

金蓉 許聿 楊垂 盛百二 陸世琛

陳振鷺 任一經 汪鵬 薛陰震 吳繩基

吳壽宸 趙一清 趙瑞 符之恒 吳象鼎

李璣 蔣仁 張燮 沈旭 李睿

陳燧 胡灝 錢乾 言廷坊 錢馥

李清華 李鶴齡 李稻騰 夏鑾 商元東

秦錫淳 方廷熹 阮培元 吳中麟 王鏞

陳鑑 張廷謨 張廷俊 黃堂 汪彭壽

汪介壽 蕭立選 祝嘉 嚴殿諤 蔡封

李旦華 孫霖 潘本侃 慎朝正 李蘭

王夢錫 王泐 汪新 吳荃 吳寧

祝德麟 朱炎 黃瀛元 仇養正 趙琪

陳良謨 陳王謨 金肇鑾 翁大榮 王顯承

孫襄 孫連玉 袁果 葉誠 李淦

杜正華 王鴻業

兩浙輜軒錄卷三十四

督學使者阮元

汪得稱

字嶺山號少白錢塘人乾隆丙子舉人有少白遺集

杭州府志稱性伉直見義必爲積學能文究心性理所著觀靜園說學者稱之

張榕年曰先生詩不多見書法久爲人重

卒後令子遍訪收葺邇年來竟罕流傳矣

讀少陵集偶感

故國悲秋白髮臣蕭然戎府也艱辛將軍揖客吏敢侮特奏
邸官不入秦

可惜江邨不耐貧元戎後隊馬蹄塵高風未到陶元亮酒食
何曾不累人

一任乾坤老此身竹寒沙碧供幽人柳花輕蕩桃花薄不是

浣花溪上春

汪

治字兩坪錢塘人乾隆丙子舉人

兩浙輜軒錄

卷三十四

汪治

新柳

柔條換出一番新
弄日含烟裊裊輕
綰住韶光知幾許
碧梢頭上問流鶯

李汪度

字寶幢仁和人乾隆丁丑進士官侍讀學士

讀孫先生介亭辭世詩次韻

紫府依然鶴馭回
雲旗縹緲與徘徊
徒聞客坐司空塚
不見神歸許氏臺
瞬息駒光真過隙
破除蛇影本無杯
一聯遺句

高千古

一死便埋三尺土
再生仍讀數行書
未比昆明劫後灰

成

城字陶宗一
字成山
和乾隆庚辰進士官

袁枚生傳器曰君舉戊午鄉試循例挑選授羅源知縣
正庚辰中進士歸理補黃巖教諭俸滿題授郎中以
陞秦游府同知推知府事再擢巡道事捐選郎中以
母年高乞養在家母卒君年已七十遂不復起君愛
文每以家傳見託生而作傳占人所希以故屢負諸
愛問君有臺灣處分將行萬里彼此就衰無幾相見忍

再借遲負良友之

拳拳乎系以二詩

成鉅述畧曰乾隆五十四年簡齋袁太史爲府君作生

傳以府君有萬里之行不得已而爲之也是年冬府君

倣裏就道在樂項蒙當事

秦完掌教虎峯書院暇時輒與二三君子唱酬吟咏因慕

唐之天齋翁宋之放翁署號天放賦五古一章有竊

附二陸徒庶以謝塵濁之句以五十八年卒於成所

隱拙夫子舊藏趙松雪銅印文曰吳興旣失復得命門

人作詩

書契以來制作盛篆印乃自先秦時後代文士尙標識姓名

刻畫紛紛爲有宋末喬松雪叟畫神書聖工臨池肖錢爲印

撥蠟鑄大輪厚郭形模奇不著以人著以地字體天矯虬龍

姿當年卷軸重海內辨別真贋人皆知此印遑遑署首尾摩

挲護惜如清琪流傳至今五百載文敏已逝當付誰粵有菽

林子沈子隱侯族望遙分支茗山雪水溯自始名品入手真

兩浙翰軒錄

卷三十四

李注度 成城

二

相宜一朝失印報左右檢點空篋長懷思偶然宦轍駐東海
友忽持贈顏色怡由來寶玩聽聚散象犀金玉無久期楚人
之弓楚人得所言弗大徒見嗤物或有靈歸故地球還劍合
理不疑况復真賞終必就轉輾授受天之涯作文記事同于
厚先生作記
印一篇拂拭光氣纏色絲藏之書府作世守以比張氏
鵝印孔氏龜

雨晴早起有懷龔研北薛上之

一夜池塘溢循堦可得魚薄涼侵短褐餘潤入殘書屋漏時
妨睡官閒似謫居故園兄弟在極目正愁予

喜家大人攜心白寶成日未請弟至

幾日看雲立何心聽雨眠忽聞鳩杖至况復雁行聯小別鄉
關近長貧家慶全兒童知有味笑語滿燈前

六客堂閱文呈太守李肯庵先生

此地夙多名太守而今典郡得髯蘇

東坡三至吳興嘗知州事公之來也人目爲髯

蘇後身故云

重開六客堂相見徧召三吳士與俱古徑蒼苔摩石

碣疎林白月映冰壺榦材媿列曹劉後長爲論文置坐隅

東坡

後六客詞有看取曹劉今對雨蘇張之句時王博士石亭錢茂才冷村在座

哭吳東壁夫子

遺經猶在篋脫手雜丹黃義闕匡先鄭功多配后蒼

先生著三禮疑

議儀禮章句諸書未刻

石渠餘論在東觀校書長不負公卿薦名山爾

許藏

賤子邀殊盼平生風義存親承丈人行幸出大賢門提耳心
偏切關情語最溫卑羈在山谷感激激爲聲吞

孫士毅

字智治號補山仁和人乾隆辛巳進士

南巡

爵謚文靖著百
一山房詩文集

贈別袁簡齋先生

翹首雲階未許登，今朝把手興飛騰。文能壽世輕干劫，力可

迴瀾此一燈。樞地有人誇紫雪，廿年前慶樹齋同寅海山到

處引紅藤。現遊丹震西樵諸山條冰相對青蠅去，陡覺炎埃隔幾層。

綺年入洛最知名，壯歲遊秦宦早成。兩卷檀弓寧有例，三生

杜牧本多情。江山跌宕旁妻好，風雨颼馳老筆橫。聞說明珠

雙照座，通遲兩公子已能讀父書慰懷何止一官輕。

不遜鄉書不遣媒，闔然直爲荔枝來。文章澤國蛟龍避，先生

令弟太守署中西漲驟至城裙屐僊山峽，蝶陪當日登場誰

不識祇今此事更交推。自慙海上孫賓石，瘴霧憑公一掃開。

粵東嶺海多霧雨
公到後連日晴霽

度嶺裴歛一葉風小倉紅影落霜楓

計深秋方還隨園

人將仙佛疑

山賊天遣亭臺屬寓公心跡欣依高士傳姓名早隸

日華宮歸逢詔

蔣茗生 壹北 歐

皆吾友爲報居官與昔同

祁觀成

字閣斐號皆梧柯鄉人乾隆壬午舉人著養拙軒遺詩

秋日同汪太守

鈞

袁秀才

夢經

蔣左丞城孫秀才貫中

至茅蓬庵看桂小集

一徑縈紆祇樹林蒼松翠竹護森森
層層疊疊閒房小龍象莊嚴古殿深
雲際烟凝看顯晦樓頭葉落悟升沈
塵懷到此銷融盡奚事窮幽度遠岑

銷融盡奚事窮幽度遠岑

叢生桂樹梵王家金粟如來振古誇
命僕攜樽開舊甕呼僧燒笥刷新芽
觥籌好作催花鼓鎖棘誰當貫漢槎

謂省試諸君

倒

載幾忘歸路晚摩空陣陣響昏鴉

江

縉

字瑞書號蘭崖錢唐諸生

同竹坡先生過東庵步韻

尊酒林中鳥勸提草生曲徑路全迷坐深茗後衣從解吟苦
花前首共低慮有真痴誰得斷機忘得失孰能齊兒童偏有
安心法竹馬騎來到郭西

門人張椿年從游

宋光熊

仁和人乾隆己卯舉人

游隆福寺

古玩珍奇百物饒黃金滿橐儘堪銷阿誰攜得三錢刺盡日
吟哦自解嘲

康熙間寶應朱克生于慈仁寺市以三錢買客氏拜敵刺賦客氏行見池北偶談

游臥佛寺

寺門東接禁城陰野水平沙古木森
甯示人間老病死色空
真諦悟禪心

嚴

誠字力剛號鐵橋仁和人乾隆乙酉舉人

嚴際昌家傳畧曰鐵橋習年就學手不釋卷六書諧聲洞悉源流篆楷則宗漢晉藻繪則法倪黃錄歌所出一

本性

魏柳洲重葺草堂

柳洲先生堪絕倒妻子飢寒不相保撚髭搖膝誇詩好年才四十形漸槁前身得非郊與島數間破屋縱復橫晝夜不絕吟詩聲可憐徒有草堂名今秋猛雨天欲傾漂搖牖戶愁支撐於時先生少歡趣覆屐兼爲旁舍懼鳩工庀材勞百慮剋肉醫創非所顧艱難幾失吟詩處先生之居逼市屢號爲草堂胡以然豈不正賴先生賢先生之詩萬古傳杜陵韋曲相後先連雲廣廈世多有主人不識爲誰某此如傳舍豈長久愚者矜之良可醜孰與草堂名不朽先生隱德人不知寧獨

風雅爲吾師囊空不寄尺寸貲自省厥罪安能辭今日居然
來賦詩

題沈耕翁竊餘稿

沈翁白首精詩律弟子朱三稱入室朱三失志成潦倒扁舟
襍被江南道篋中一卷沈翁詩祕惜寧論萬金寶世間得喪
難預期翁詩乃有人竊之仙官六丁不自取夜半假手於偷
兒朱三不愁資斧喪但愁翁詩無見時翁詩之好人不知授
受獨有朱三私手鈔口吟經幾載十不記一空嗟咨歸來掇
拾賸殘稿一鱗片甲將奚爲我思當年白太傅晚學無生起
遐悟獨於詩卷未忘情南禪東林教偏貯翁詩何能自流布
而今傳入江南去安知不藉偷兒助浮沉顯晦皆有數區區
朱三不足怒

次九峯兄韻書朱則齋題壁詩後

沈耕翁老病幾死仍苦飢寒則齋爲其門人獨持高
義來奉晨昏割草堂之半以居其妻子因題詩數百
言於壁上辭甚感慨予兄九峯書四十字於其後而
予和之云爾

吾子敦風義艱難葺此廬與師爲老伴入室只殘書遂有升
沉感翻思會合初頭顱名如許相對意躊躇

九月朔日郁佩先招同吳西林先生魏玉橫陳元山丁
希曾集東嘯軒看桂分韻得軒字

連蜷青桂樹涼影滿東軒半畝勢疑歷三秋香始繇坐分苔
石冷吟闕草蟲喧不覺芳華晚關情更酒尊

聞王丈古鐵訃以詩哭之

破屋古城東清羸見此翁自緣安大拙未肯慙奇窮九食三
旬餒千秋五字工惟應邢石白差得並高風

枕上漫興

袴褶捐來一月餘轉於岑寂得歡娛題詩慣遣兒尋筆讀書
時勞婦啓幃自歎裏衾惟剩骨忽驚對鏡陡生鬢塵緣盡處
豪情死已分殘年作朽株

輓沈耕翁二首

廿年還往見交情折節能將輩行輕委巷論文稱小友草堂
開讌其門生書憐十上終資志室喜三遷總望衡今日追思
成腹痛却看遺稿涕縱橫

看花載酒韻同分杖履春風笑語溫一室總繞貧士樂此鄉

真見薄夫敦文章喜我微名就

子領鄉薦後家兄嘗過草堂
探病翁扶掖下樓喜動顏色

已而執詩卷憐公結習存補爾時猶以詩貌取清姿猶髣髴

手鳴咽詩稿屬其弟子貌取清姿猶髣髴

歲時展拜肅心魂

絕于翁詩集簡端寫翁小像見者以爲絕情春秋救香之祭擬陳之几側焉

鄭師雍字仲默秀水人乾隆乙酉舉人有簡閣遺草

汪淮曰仲默爲贊善誠齋子幼慧六齡能吟詩年十五登京兆榜十七卒

饑鶴行

吾聞凡物皆有食以生不食不生求乃得得不可苟豈惟人
鳥之於食亦有德上而鸞鳳安可能下而鷹鷂何足稱飛鳴
飲啄類難數獨愛野鶴羽族靈昂藏長身少人識不肯牧養
有饑色天池無萍不結實元剛有芝不得食鶴母乃愚人竊
譏豈不能求至於饑嗚呼鶴非不苦饑心恥素餐空因依以
饑求食心所難饑者亦如飽者安如不常食寧終饑惟饑知
其不素餐

金

蓉

字衡一，一字采江，秀水人。乾隆己丑進士，官翰林院編修。著聽雨軒案。

梅里詩輯先生天資穎悟稍長，卽工吟咏。嘗夏日分賦得荷葉有一舸斜陽搖亂碧，半塘涼雨瀉明珠之句。里中前輩朱芋坡家養恬蕉窗諸先生，極爲嘆賞。後登詞館，聲譽翕然。甲午丁母艱，回里無復出山之計。爰於西偏別構數椽，名曰聽雨軒。

催租行

東隣野老慘不樂，狀如紇干山頭雀。飢來乞食走荒郵，逢人欲語聲先吞。云自三秋黑螟舞，田禾漂泊偃黃土。上官連章報有秋，縣官徵租苦未訴。斯時出愁亦入愁，朝行北山麓。暮宿南陌頭，阿婦已填溝壑死。阿女遠隨估客舟，家有黃口兒不知。今在否，仰天一掬淚。交流悲風蕭蕭起，長楸君不見。官衙對雪張高宴，里胥持帖下鄉縣。

春樹和蔣孝廉

德

經寒柯不改春到暗滋榮細雨一翻過晴煙幾處生參差籠
遠岫消息遞流鶯遙憶溪邊屋臨窗翠影橫

並頭蘭

一叢移自楚江濤葉底雙抽碧玉簪大抵佳人矜獨立何緣
空谷有同心閒搗翠袖春風晚並倚朱欄暮靄深相對無言
慙幽素循陔幾度費沈吟

許

字笠人錢塘人乾隆壬午舉
人官景寧教諭著竹溪詩鈔

十一月初四日晨起印事

淡日輕寒大雪時那堪無米舉晨炊起來一笑翻書看却是
陶潛乞食詩

中秋後一日得吟字呈同人

披衣欲起畏秋陰忽見朝曦喜不禁重發柳宜涼露濕已殘

兩浙輜軒錄卷三四

金華許聿

荷快冷風侵栽花客到香盈袖戴笠人歸月滿襟玉宇瓊樓
高處望雁聲嘹亮獨沈吟

得余秋室同年秋居述事詩即次原韻

時在遵化書院

廣文首藹尙無緣南北奔馳廿五年貌寢自應甘護屈才疎
空說待鶯遷傳聞載取在卽一家骨肉遙天外幾卷圖書短榻前形
影相依朝復暮故人書到一欣然

楊

垂字滋甫又字載春號可庵諸暨人乾隆辛卯舉人欽賜國子監學正

重過壽民莊

兩度風光二十年竹籬茅舍自依然兒童不識迎康節老嫗
猶知近樂天宿草悲含荒塚淚蠶魚灰蝕舊吟箋殷勤雞黍
歡留別日暮垂楊一樹煙

過蕭山訪陳月泉出城遇雨

有客蕭然東復東，相憐抱病困人同。
孤帆遠掛西山雨，兩袖輕攜北幹風。
壓水浮圖飛白鷺，沿城驛路散花驄。
扁舟興盡謀歸去，出岫晴雲返照紅。

寄馬大青來戴三東驛

凭高望遠道不似去年秋，寂寞扶風帳沈淪。
剡水舟酒成異地，醉人共一天愁。
風雨催遲暮，蕭蕭獨上樓。

盛百二

字秦川，秀水人。乾隆丙子舉人。官濬川知縣。著尚書釋天、袖堂筆談、皆山樓吟稿。

題畫鰕魚

何處春情繫客思，吳娘織手臉銀絲。
憶從西塞山前過，正是斜風細雨時。

魯城東南六七里有石人二，皆西向。一鐫缺字，一樂安太

守廡

缺二字。省志作一鐫府門。

志作藜家。作之宰。

皆紳下孔

雨浙帽軒錄

卷三十四

楊垂 盛百二

君薤谷搦以寄贈賦詩答之

辭漢金人淚暗滴何處摸抄嘆銅狄歸然不見曾靈光一例
西風吹瓦礫石人乃得全天年偶立千秋古道邊樂安太守
爾誰是姓氏猶在名無傳古道離離遍禾黍但向斜陽日延
竹干呼萬喚不肯回忍視蓬萊變塵土日暄雨洗換年光碧
鮮紅蘿作繡裳紙錢飛散白蝴蝶寒食何人澆酒漿斷冰詞
客好事者獨在驅車弔原野古隸龍支搨寄來翠墨寒澗我
心寫宇文石鼓等兒孫浩懸光和是弟昆遙知月冷清霜夜
石人相對話精魂

東方未明之硯歌

硯爲趙忠毅夢白居易故物池作殘月影有眼如星
背有銘云殘月暉暉太白曠賦雞三號更五點此時

拜疏擊大奄事成策汝功不成同汝貶今歸廉訪沈
晚芝先生庚寅五月同客任城出以見示屬賦

高邑本是太白精赤霄煜煜輝長庚是時蟾蜍薄太清叩關
虎豹怒爭獬大明西沈金鏡缺獨有孤光配殘月信公已別
玉帶生太尉還雷擊賊笏一從箕尾歸朝天片石飄零不計
年硯兮硯兮爾勿苦托地委生今得所

陸世琛

字卿田桐鄉人乾隆庚辰舉人有春畦小草

陸耀曰家卿田孝廉詩五言如未許三人受真如一葉
浮千家修竹裏一露亂山中綠楊烟際樹紅杏雨中村
七言如過鷗柳絮穿花去隔院茶烟度竹來荷稻婦歸
喧渡口裏包僧立聽鐘聲漁翁帶月攢罾網蛋女迎風
立枕樓鄉情乍減非關酒力新添爲看山硯添新淚
前溪水漲插初開隔岸花爲聽燕語穿苔徑忽見蟾光
上柳條半灘藍碧河豚上滿院花紅海燕飛風致不減
總南石湖歲辛巳在余邸舍幾半載因得盡披所著明
數十首蘇行篋中暮雲春樹之懷於是斯在

九日

遙遠窮千里荒城一以登林空知野曠雲靜見山層秋意清
于客詩情冷過僧無山愜幽興杯酒話良朋

田家初夏

村烟漠漠樹模糊人語鷄聲興不孤畱客但饒尊歷擔糞神
還喜酒盈甕綠絲移取栽花蘭刈麥墮艾縛糝蒲料理插秧
農事外綠槐陰裏盡歡呼

羅浮蝴蝶歌

羅浮山巔峰四百西風吹落烏柏葉中有變幻通神明彩雲
晴日飛蝴蝶仙胎舊吐野蠶絲玉蛹繡成瓊繭奇著樹乍看
遺蛻在滿山正值放花時花間二月初舒羽弱不禁風高下
舞欲去還沈蕙徑烟將飛尚帶林梢雨暝烟微雨逐芳菲品

物多情款款飛縞素略施何晏粉翩跹疑化葛洪衣生來便
解憐孤獨未許雌雄兩處宿縱使迷離或暫分也應尋覓仍
相逐離披五彩雜織穠隊隊俱飛樣不同剪紙噓成空有術
畫圖搗就未爲工輕盈艷逸來庭院巧趁穿簾新乳燕淡淡
雙眉卷鐵絲團團兩翅搖執扇翩然更下讀書堂道是珍禽
小鳳凰山中人呼爲小鳳凰似解詩人憐藻采恰將鮮羽煥文章或云
睡夢迷莊子物化何須分我爾昨夜釣天訪帝居逍遙我亦
神仙侶祇嫌故國別經年望斷重山路五千願假雙翎飛嶺
北揚帆爲我送歸船嶺南異物志有人游南海泊于孤岸有物如蒲帆飛過擊之乃蛺蝶也

釣突泉

平地豈有波濤起今忽見之濟水是濟水之源發岱陰渴馬
崖邊伏流始伏流曲折地中行涓涓滴滴鳴琮璚蓄之不發

發愈盛雷奔電激洪波生波生不可遏急湍勢瀾渤若翻
驅宮裂如傾貝闕得非儼客升重泉冰絳十丈凌空懸不然
風雨驚龍臥飛漚噴出靈珠唾我來探異境僻開心胸反
疑坐我明湖側水西橋畔騰長虹要之造物豈好異驚波飛
瀑行無事我生觀水必觀瀾會心已悟滄洲趣君不見東海
頭銀灣滾滾無時休乘槎直上天漢路探源須到崑崙邱

食蟹

鴛湖本水鄉魚莊乃我屋九月霜氣清一生風味足茲游傍
津門入市半水族槎頭豈曰無郭索亦所欲橫戈向沙颯擁
劍就蒲東堆盤尙磊落澆釜想癡鯨玉質斫雙螯金膏含半
殼佐以紫芽薑侑之青州麪縷切雜香橙芬芳伴黃菊耕則
組脯俱糟亦風喙屬螯蟬品何多彭蜮書未讀易噬坤之解

詩寄皮與陸，但得換尖團。亦足忝口腹，我聞螬輸芒。未屆場
分穀，蟹螯鮮而腴。酒梁香且熟，物理有休徵。斯言非但俗，今
年多空蝮。厥明少儲粟，蟹瘦缺盤筵。歲仇無餽粥，敢爲老饕
陸所憂。民命蹙，還望故鄉秋。願上豐年祝。

陳振鸞

字禮門，號春渠，錢塘諸生。嘉慶丙辰
舉孝廉，方正著詠物詩，渠壺軒詩稿。

題月夜渡江圖，別邗上諸友

尊酒爲君盡，深宵話別難。客懸孤夢去，月向大江看。山色有
秋意，水聲生夜寒。竹西歌吹地，回首路漫漫。

揚子江舟行

天堦茫無際，東風此放船。斷雲摩古塔，片席破秋煙。寂寞離
鄉客，蒼涼落日天。往來人易老，客路任年年。

閒居

小掩籬門野蝶飛
山林城市得依稀
窗因補竹風聲碎
徑不除苔雨迹肥
雜樹有花春半去
虛堂無客燕頻歸
晚來抱甕澆蔬罷
又是深陰月上衣

秋槐

蕭疎秋落庭槐影
人在斜陽半掩暉
感歲非關生意盡
迎涼已覺午陰稀
一痕月引南樓夢
幾陣風催白雀飛
耿耿星虛猶傍戶
浮空隱映碧雲微

任

經字抑齋號石屏錢鼎

碧淺詩話石屏家南渡以業兒賢君精方脈藏書
能詩文翟晴江極賞其所作然而出遊湖北山左歸虛
蘇不起詩如問秋看花云花包開秋園干枝無一
清流寺佛閣云鳥穿青澗去船過石橋來登永祥寺佛
塔云海市樓欄欺眼力增村杏落寫瓜分海嶼云
勾引客情飯豆外清磨時刻酒樽中皆新穎可誦
秋殘咸淳邸安志甘麓舊賞今仁和

諸柘小林圩栽植如列仗一種挺瘦枝比荻形差當得味自
同甘有節不在壯寒漿析朝醒頗藉圃翁餉

水陸寺石幢

松塘曲繞瞿曇宇聳蘇畱宿曾聽雨寺門修竹已無存

寺藏修竹

不知門東坡 鴉喧雀噪成荒塢空餘老樹閱冬春安論禪幢

委泥土同遊各有嗜痴癡魚頭攢集爭摩撫上有缺齧蛟龍
文漫漶蓮花猶可數剜剔莓苔十手皆校讐滿半雙眸取七
八模糊讀未安雲章綺句待聯補就中一行較分明紹興之
年二十五紹興迄今凡幾時滄桑遞變紛靦縷茲石嶙峋獨
未磨流傳亦自成千古安得宏願交扶持撐空突兀仍初武
舉亭晚歸用毛稚黃雲錦堂詩韻

蒼茫烟靄入江雲歸路蟠紆日已曛踏遍晴山青十里占來

春色暖三分沿澗溪瀨穿花出灑落漁歌隔岸聞勝地可能
畱客住更招吟侶續遺文

曝書

曠曠初日透蓬廬舊籍乘閒一展舒曝腦好依移砌景等身
猶有在牀書欲窮架底先愁僕試檢囊中未蝕魚却怪年華
過隙易抱殘徒自老經畬

汪

鵬字翼蒼號竹里山人
錢塘人著裏海編

朱文藻跋裏海編畧曰吾友汪翁著裏海編一卷翁工
詩善畫畧遊日本垂二十年歲一往還未嘗輟此卷則
其初遊時所作彼中風土大畧已具翁留心經籍嘗
得孔安國孝經傳皇侃論語義疏山井鼎七經孟子考
文先後上之

四庫館鈔入全書而孔傳皇疏刻入鮑氏知不足齋叢書
考文則闕學阮公刻以流布
蓋翁之爲功於藝林者鉅矣

花街

日本妓女所居其入唐館也以申刻點名出亦如之
名曰應辦爲賦一詩

紅綃隊隊雨絲絲斜挽烏雲應辦時蜀錦尙嫌花樣拙別將

金片繡羅襦

薛嵒

字方春一字鑑齋錢唐人杭州府學諸生

張椿年曰方春先生世業雖獨習舉子業失足墜湖水死無子詩存僅數首

莆田道中

莆陽名勝地曠野勢漫漫浦迴平沙漲山迴碧嶂攢綠陰千
樹合秋影一溪寒遙見尋幽侶臨風把釣竿

吳繩基

字其武號瓶谷錢唐人杭州府學貢生有晚翠亭詩文集

送沈沃田之揚州

紅橋吟社舊經師可奈萍蓬識面遲浣手蠻箋畱別句關心

兩浙翰軒錄

卷三十四

注鵬 薛嵒 吳繩基

古

蕭寺送行時他鄉夢月人千里獨客悲秋柳萬絲何日看花

揚子驛草堂載酒共題詩

吳壽辰

字小匏錢塘人著河中吟稿

陳宣河中吟稿序畧曰往時月田老人以騷壇祭酒結社南屏菴浦太史繼之家孟百藥自昔與焉年來老蒼凋謝湖山社壇漸就消歇百藥與西林楓塘諸巨宿聯為可莊之會詩篇傳誦吳君小匏其一也小匏性好吟咏其詩幽婉冲淡鏗削浮響

朱陳村歌

樂天會賦朱陳村我今更覩朱陳民相違千載生苦晚昔聞未信今見真衆人且莫驚聽我歌朱陳我來正逢二月春桑麻滿野青鋪棊機梭軋軋響中屋牛驢矻矻行平原山深縣遠風氣古女修織紅男耨耘兩姓締好傳世婚舅弟舅情頗欣有酒皆家釀有肉皆園豚黃雞白菜各歡會相要醉倒

田家益年高似飲菊泉水客至喜逢桃花源不羨估客樂豈
肯丁從軍死徙無出鄉况乃生與存我也暫行役不久還鄉
粉青鞵布襪甘我貧不信但看村中人

過洛水

聞關信宿驛程賒古渡維舟未有涯才子至今思洛水居人
從此望朝霞風寒遠浦浮輕鷁草長叢祠噪暮鴉惆悵客情
何處著傷春容易夕陽斜

偕文誥文謹兩生登中條山憩萬固寺

我來河中凡幾日日日懷鄉心鬱結二三學侶識我意攜我
條山興飛逸朝來映蕩塵竈收割開白日當空流顛厓下瞰
飛鳥背遠峰肩列低且修林中匹練半明滅天邊幾點蓮花
浮下方汗漫躡元氣拍肩擬共洪厓游破衲山僧好事者指

點祇林古楹下入門磚塢湧層雲龍象荒殘祝融冶維摩去
後丈室虛燕洩空梁鼠竄瓦昔有禪師明不辨泉聲共雨聲
白雲冉冉溪邊生鬢綠細路遠深竹臨流漫濯足與纓惜哉
曾無石上琴松風一曲來清音卻教流入虛堂裏伴我晝眠
清洗耳

得蘆士京中書

倦聽飛鴻響遠音書來往事費追尋晴湖小舫看山約夜語
寒聽襖被心得氣定如春後蟄散材難說袞餘琴數番遠道
情珍重直抵雙南一寸金

趙一清

字誠夫號東潛仁和監生昱子著水經注

杭州府志昱子一清博極羣書兼承庭訓著水經註釋

大吏進其書于

月庫館其餘

著述甚富

朱彭曰東潛以子載元
貲贈河南開封府知府

會稽道中

收拾棋枰與酒鎗
溪山到處眼偏明
雨來梅子黃時候
人在山陰鏡裏行
款款竹輿經野渡
濛濛雲氣抱孤城
何緣得遂田居約
草服黃冠作耦耕

出中牟縣萬勝鎮渡河大風不果改從滎澤而濟

已被江神笑
又逢河伯怒
吾生偏局促
一步一驚顧
瀕河古戰場
沈埋積沙羽
袁曹此掛難
夾岸列騎步
碎割霹靂車
發石下如雨
懷諫本初亡
社鼠阿瞞附
而今安在哉
成敗等朝露
悠悠沮生歎
欲濟從何路
揭來思禹功
混茫久東注
淫流既已塞
逆上可急赴
人壽能幾何
河清恐難遇
不如早歸休
聽唱公無渡

飲酒

驅車向汾晉，嘔酒辣如芥。止黨天下脊，逶迤走蒲解。太原土
高平，陘北都一會。粒米貴於珠，何暇問魚菜。山奇水益清，惟
此兩兼愛。豈因匿跡深，可惜將餅賣。縱無孫臆顧，曹偶亦足
怪。石花冰裏藏鈴馱，歲交賚珍珠。與羊羔獨酌，寡儔配吾生。
樂飲醇過量，不知戒。但嗟年齒衰，彌覺酒力退。旁觀盡訝疑，
適適指目怪。角逐稍支持，硯礪或澆汰。既非醒而狂，莫犯吐
茵。誠幸是疎散人，一醉烏用悔。祇今殘燈下，纒生瓶外慨。

磨石嶺觀雲海

白雲不可呼，况乃手與搦。晚行上層嶺，徙倚更躑躅。昨日度
風門，今日走時竹。磨石嶺頭雲，雲來入我腹。瞥見意蒼茫，諦
視坐肅穆。四周多環之，夫天只一握。傾瀦銀河水，一瀉一萬

斛時當地氣升匹練橫素幅須與遍側塞密灑陋滕六出非
鈞矣泉掛比匡廬瀑初日蔽其中如以部封屋村雞暗啼號
殘月退縮胸夷言雍無梁象占澤滅木本大光明藏飛鳥不
敢蹴爾如太古民百世共一族又如客停車言邁得信宿卽
此足稱雄何必王百谷過來忽不知濕盡征衫服便欲攜之
歸收貯在望麓回顧不見雲但聞響琴筑一川東嚮趨縈繞
前山麓平疇綠野多爽然觸心目私願作耕農帶牛還佩犢
沿洄下沉湘茲途吾不復

九月三日辰州作

萬里經行日家書到亦難自憐霜鬢改不敢鏡中看酒盡愁
方覺燈昏夢易殘雁歸知有候強把客心寬

趙

瑞字藹君號泉
阜仁和人

張椿年曰：葯君爲汪蘭運比部女，夫往歲余館蘭涯，季子柳堂詹事家時葯君已早世，其詩久未得見，今從許然齋連枝圖題錄卷中錄得存之。

題許然齋連枝圖

夙有推梨愛，哲年分最親。如何荆正茂，忍使玉先淪。點筆徵前夢，披圖感子身。流傳風世俗，彌覺急難真。

符之恒

字聖幾，號南竹，仁和諸生，著秋聲館吟稿。

抗世駿傳畧曰：君少有志，流覽百氏之書，書恒手寫，觀異册至減衣節口，必得而後已。喜爲詩，師吾友厲先生樊榭，體素清羸，疾疢間作，尙欲塞兩老人望力疾赴省闈，試遂用，是不起。卒年三十三。朱彭曰：南竹年十五從樊榭先生游，過城東園，有寒樹棲木末，活水鬪城根之句，爲時所稱。越五年以卯災賦受知于督學王公，由是益淬厲于古，夙有疴癘之疾，瀕危以吟稿屬其友王君次摺，詮次行世。

梅雨中坐秋聲館觀唐于府君墓甄作

清齋斷煩喧，衣潤漬梅雨。古甌借比隣，千載別塵土。似爲于

府君世胄有遠祖紀年識貞元稱名辨某甫終既正家堂生
曾職金鹵當時衣冠盛異代同瓦甃身遠復誰憐惟云子有
五幸存新亭字搜奇志當補銘云大墓高岡新亭之陽可證秦亭山舊名新亭古今
貉一邱光陰誰是主金龜與石馬紛紛詎足數試看墓中銘
荒涼出山塢

偶作

花梢紅日鳥啼殘風信番番取次看却笑無人向空谷春街
倚攔賣幽蘭

晚立永興寺前望西溪人家雲山掩映在梅竹中

山居戀花信逐境無定屬返照歸古寺幽意靜還續小橋坐
流水平野看行沃炊烟裊前村林影入遠矚似補梅竹疎茅
茨間幾曲寒雲晚更密濛濛空綠燈火接耕厓魚蝦生計

足卜居他時願結隣已共囑吾詩盟不忘僧樓寫短燭

冷泉亭獨坐

寒松韻長吟吹落風前句幽子忽自得晚影一亭聚遙見壞
衲僧擔笋入深塢山空擁春雲商略宵來雨

贈徐丈

逢吉

西泠文雅盡耆舊有徐公愛老時親酒尋幽不藉筇吟惟寄
春水居合近清風宋鮑當居清波門外詩名清風別志須添補時輯清波小志生涯
花隱中

漁邨卽事

村邊軟草澆春泥小雨初晴綠滿溪幾幅斜陽掛魚網人家
多在柳塘西

吳象鼎

字和仲仁和諸生穎芳子著秋田遺詩

瓶芍藥步韻

雲情雨思粉低勻小几黃昏泣晚春掩映嬌羞無藉甚文無
香裏款歸人

時欲南歸故云

和趙芳谷白芍藥原韻

留得冰心耐後芳淡妝鬱鬱鎖昭陽影分鸞鏡春愁重夢覺
蘭臺粉蝶香浦上相思沈碧水眼前新恨怯羅裳梁園花市
千年後內有行雲過雨堂

李

璣字正五號夢鹿仁和人

夢西湖

作客西江已十年年年歸夢到湖邊雲封三竺度清磬翠擁
兩峯橫晚烟人靜月高花入鏡櫓柔春蕩柳扶船醒來苦聽
羈窗雨一夜東風喚杜鵑

答陳午亭寄懷元韻

回思往事各匆匆刺眼流光轉眼空憶別池塘新草綠懷深
旅館一燈紅可堪秋水蒹葭外不是春江花月中寄語遠人
還記取石城消息近東風

蔣

仁

字山堂號吉羅

邵志純曰吉羅居士曾祖燦會官徽州太守吉羅原名
泰字階明後得古銅印有蔣仁字遂易今名居長山門
外鄉村中布衣終身與世接工篆刻尤善書法長洲
彭進士紹升稱為當代第一手詩格亦清雅拔俗而淨
慈寺禮無量壽懺歸途

口號尤膾炙人口云

郭磨曰山堂精研八法古雅絕倫詩亦灑然無一俗語
孤冷之氣見于眉間余曾訪于東泉破屋數椽不蔽風
雨焚枯酌醴坐對竟日為余作天遣漂零私印題水郵
圖三絕句而別間有貴官延入署乞書屏幅辭不獲在
署月餘不耐煩蹴歸竟死鐘

黃裳爰居居豈能全其性哉

沈生芝山水卷

碧浪湖邊水拍邨，尙書南北有名園。聞孫異代風流甚，六法

微參不二門。

酒量詩腸不可窮，紅橋燈火畫船通。匆匆二十年前事，展卷分明似夢中。

阿育王山放光松次錢少詹辛楣韻

華蓋虬松似幢幢，翠掃肩毫光舍利。現劫火石鱗，堅玩世經梁宋蟠雲壽。梵天直愁騰化去，神物二千年。

題徐孝子晨窗砥目圖爲令子臨臯先生作

寢帷曉日光瞳矐，華池玉液金鏡功。披衣幾度心冲冲，快哉

一旦空花空授經，夢寐調膳通霜寒。苔翠足蘭重，見孝子仿

佛華黍蘭陔風爲人後者尤難逢。先生茗誓澗底松，蘇子由

佛華黍蘭華門圭竇氣吐虹，至行早過丁褚蹤。丁蘭褚無形茹

神藥情驅蛭庚渦癸穴忘蟻螭但知清噓豁衰翁豈期子職
憐蒼穹翳垢轉爲沆漑濃跳丸睨之停簾權摩尼珠現修羅
宮泛光明海洞鍼鋒了了地蓋星衢窮春花秋月不負公一
掃煩惱億劫習吁嗟習俗矯飾工目語額瞬睖嘍備舂鞞鞞
歷紛雕礪琳瑯椽筆愧蔡邕幾見入海孫法宗不則鄭州碑
龍提伊誰慧眼含潔悰普施法界燈光洪土苴五鼎千鍾豐
生前菽水歡融融公真砥柱撐鴻濛大業二年唐高祖爲鄭
州刺史有爲子世民所
目疾碑記江經父積眼病依慧眼寺故井水而差張孝始祖
喪明三年孝始轉藥師經願以燈光普施法界第七日夢老
翁呵祖黃嶺嶺迴黃鶴峯峯雲霽青芙蓉哲嗣築堂於其
目而愈
中嶽然七十方兩瞳殷勤索詩及阿蒙封題燭跋蠅頭紅舟
膠浦凍長鬚衝迺知仲車淵源崇奕葉孝友精誠衷若矢人
矢弓人弓憶昨探梅安隱東寶幢論茗借鮑溶元亭載酒遺

揚雄臨泉丈與鬪齋叔友善庚戌春信宿芸殿弟心遠草堂同鮑明齊遊安隱諸勝苦雨歸舟竟阻良晤頃得手札蠅頭赤簡章法精嚴信壽徵也况復先生歸崆峒軒併久矣駘茅龍或騎麒麟翳烟鴻真人天際何由從畫圖空爾驚丰容紫芝未識終
盲聾

山閣雨中喜邵四右菴至卽送晚晴山長還山陰叠倍

翁仁亭詩韻

昏沈湖上雨舒卷雲中山雲山抱城走傑閣凌朝寒笠屐天際落古道君一斑不憚峻嶺滑送客吳越關行衣盡嵐氣笑語倚危欄相於歲晏裏聽雨圍爐閒俄頃雨聲止霽色明江端賀監從此去中流應仰觀

丙午十二月五日雨中答邵四右菴喜子至三用涪翁

仁亭詩韻

賀監峭帆去余亦歸故山回睇萬松嶺雲霧靈高寒君家好
兄弟文采蔚豹斑不見數十日遲我風雨關執手道近狀鳴
瀑飛檐欄小樓日高臥翰墨有餘閒折梅懷陸凱謂紹當筵
贈蘇端窮達貴適意其餘曷足觀

張

彛字天民號尊
仁和諸生

張椿年曰吾宗尊翁先生爲學士鳳麓先生第四子有
所傳先生爲人落脫不嗜粉飾不隨
流俗以
諸生終

小集湖上至孤山看梅步盧敬甫韻

湖樓飲罷惜餘閒爲憶林逋訪舊山石路通時雲滿抱梅林
深處鶴孤攀半池疎影閒春色一縷寒香澹醉顏最愛盧仝
老徵士筇杖扶月漫吟還

送盧敬甫姊丈遊廣陵

川上霜侵舊二毛悠悠悵別立晴舉雁過淮北秋聲迴木落
江南客夢勞靜夜月明瓜步驛長天風激廣陵濤故鄉遙計
歸帆日廿四橋邊水幾篙

宿遷遇大兄端甫別後卻寄

一夕對牀眠前程渺數千家貧同作客路遠獨經年歸夢江
南月離情冀北煙幾行書鄭重爲促塞鴻傳

沈

旭 字曉山號鶴
艇仁和人

貧居次錢梅圃韻

苦雨纏綿兩月零柴門寥寂晝常扃十年作客懸雙淚三代
傳家賸一經燕子不來應有意燈花頻結總無靈眼前何物
堪相慰滿地榆錢箇箇青

書懷寄徐石帆次見贈元韻

自別山中客吾懷誰與論
草偏生陋巷燕不到愁門
觸景悲時序思親飢夢魂
可憐孤枕上多少淚痕存

李

審

字澄齋仁和諸

吳穎芳序畧曰杭之東郊

師亦稱能詩及余所得見者則有戴君問渠揚君西川

自翠進士晴江出其所刻詩藪揚不足言也而翟君之

從姪西雍遂初老人之元孫澄齋亦復鵬起子與澄齋

唱和數年未三十而歿澄齋承教葉詩書之傳志甚

鏡學甚勤排作者之席摩先民之壘集中所存豈足以

滿澄齋之志哉澄齋自病中訂其近日所作二十餘首

曰呻吟集其妹倩春榆陳君總鈔前後諸作余爲點定

數十首非所自訂名曰歸堂集歸堂者亦澄齋平日所

自稱也

也

善侯詩話澄齋年雖不永而集中七古多豪健枕俗達

湖也俗傳有龍宅其中厚水則

龍怒而致雨澄齋賦詩紀之

鷺廬湖

一橋深鎖碧濛濛新漲平添響似雷但訝船多成鷁退忽從
烟外見湖開依稀泊宅畱漁屋卽漸松陵出戍臺獨惜白來
風景地久無皮陸鬪清才

車屏白洋池

五日不雨井泉納十日不雨河流乾南湖之水何漫漫父老
說有乖龍蟠龍眠水底忘行雨欲竭龍宮致龍怒臺符火速
集水車田家橋頭曉鳴鼓闕溝百道龍骨旋滔滔晝夜流潺
湲蜀江逆浪過三峽長鯨掉尾吸百川薄暮山頭墨雲起一
夕滂沱老農喜吾儕不獨快恩膏長箠新涼涼似水

魏柳洲看雪吳山醉後傷足詩以慰之

柳洲先生興高絕醉上吳山踏晴雪短筇不管玉山頽薄暮
歸來頓成蹙市兒拍手笑胡盧先生撫足增煩紆繩牀忽學

居士坐藍輿要藉門生扶武林城中百萬衆侵晨地震羣驚
夢誰能曲局更高眠曷勿躡躡起吟弄南榮曖曖硯水融北
牖炎炎爐火紅何人走馬來相問定成長句杜陵翁

雷峯塔頂桃樹

我聞太華山頭玉井蓮花開十丈藕如船奇哉雷峯塔嶺頂
乃見桃樹枝摩天春愁茫茫自終古金碧樓臺化黃土何人
橫絕倚天梯力掙韶華照眉嬾兩堤紅紫雲錦稠不遊客盡
迷雙眸一筇誰肯覓孤賞山僧談及空回頭西風纍纍紅玉
子三十年來未有此東方小兒先得嘗不待瑤池青鳥使

天台萬年藤杖歌爲臨江翁七十壽

天台四萬八千丈老藤直掛石梁上我疑應真鉢底龍游戲
偶落蒼苔中詩翁藉得山人力截成短杖丁字式紫竹柔脆

安足言綠玉逡巡亦無色憶昔從翁湖之濱上人共飲龍井
春一朝歸去秋華疾五年飽看嵐霞新茲來值翁七十壽載
酒湖船杖爲伯酒酣著手重摩挲鱗角峻嶒冷光涵兩峯我
披青接天高鳥不到猿猱顛鏗然有聲振雲外世人爭指飛
空仙桃花流水非人間倚杖一笑三千年

陳

燧

字春榆仁
和諸生

陳氏家傳春榆少孤事祖母暨母有
孝行喜爲詩工書年三十三早歿

一灣湖水

分來湖水碧粼粼繞郭灣環照眼新一剪穀紋輕捲霧半奩
明鏡淨無塵短橋小市通幽處蟹舍魚邨結比隣野漲正平
梅雨歇蕭然鎮日擬垂綸

過滿月菴尋樊榭先生舊遊處

東隣有精舍，蔽虧深樹裏。矮屋如蝸盤，清涼國尺咫。吾徒苦
熱惱，招攜隨步止。初來意已幽，稍住趣尤美。憶昔厲徵君，讀
書曾憇此文采。映前後風流，被閭里杖履未及從。我生悲後
起，只餘壁上詩一一。勞僧指清游，洵夙緣高談契。禪旨吸茗
坐，超忽松風浩盈耳。

寒食登南屏同匏廬先生心舟上人分韻

簡足松雲上千峯，展畫屏湖光過雨白。野色夾城青冷節，襟
偏滌餘酣眼乍醒。支公能愛客下界，卽禪扁。

送孫春嶼之粵西

髻亂論交窮蓋堅，弟兄幾輩齒隨肩。浮生轉眼人三十，遠別
驚心路八千。銅柱山深迷瘴雨，桂林春早接蠻烟。男兒會有
凌雲志，祇爲魂銷一噴然。

胡

灝字景梁號雲溪仁和人

碧溪詩話對唐弟雲溪亦與余同師塾年十六廢書質易頗拙於生計依詩唐謀朝夕不聞其讀書亦無有知其能詩者沈菊人與雲溪交最密菊人鈔以遺余菊人亡而雲溪詩亦不可復得矣

經沈六尊三墓

草色萋萋憶去年
飴簫吹冷杏花天
飄零書卷人何在
憔悴生涯我可怜
十里橫塘寒食酒
一林春雨午炊煙
墓門追想徐君意
掛劍慙無報九泉

送弟敬亭北遊

弟兄不忍別揮淚
在南樓夜月今宵酒
春風明日舟中原
驅獨客平楚鬱離愁
祇爲謀生事少年
輕遠遊

送兄葑唐之淮陰

別離何處最傷情
煙水含愁遶楚城
舟入遠天人不見
路迴

秋浦雁空鳴論交新雨情應好把酒荒園賦獨成異日相思
千里夢去來飄忽正三更

除夕

千聲爆竹畫城偏寂寂生涯我最憐荆婦抱愁炊午粥腐儒
帶病過殘年春回枯柳斜舒岸臘破寒梅淡著煙便爾長貧
安歲月不須重作送窮篇

宿雲棲山房

精藍西宿處香靄正氤氳亂竹搖明月深溪走白雲苦吟清
露冷殘夢曉鐘聞曙色天將曉林鴉尙戀羣

病

身困愁城歎久纏悶懷潦倒悴青年簾垂永日蕭蕭兩人對
春山寂寂煙窗外落花同此意鏡中短髮乞誰憐琴書典盡

皆供藥邪賸壯頭買酒錢

郊行

小暖輕寒二月天
官梅才罷野桃妍
慶春門外年年路
趁好東風未雨前

青山如畫雨初晴
綠水滢洄兩岸平
雞犬幾村紅杏樹
春風吹滿踏歌聲

錢

乾字時乘號梅
圃仁和人

秋思次放翁韻

嶺下牛歸鳥倦飛
碧空一片欲何依
平林煙淡月初上
小院風輕花落稀
旅况蕭疎惟仗酒
秋容清瘦欲添衣
曲闌干外移時立
暮景宜人未掩扉

言廷坊

字行之仁
和諸生

嚴因曰言行之爲進士言士紳從孫勇於進取嬰厥疾賁志以歿

遊五層樓

翠微絕頂聳層樓作客登臨亦壯遊五嶺嵯峨排地出三江
浩渺接天流入煙樹影迷殘照沙烏嵐光隱客舟北望鄉關
池何處不勝情緒入新秋

錢

馥

字廣伯號餘窗海寧人著小學庵遺稿

鄒志純曰緣窗課徒里中不樂仕進精於攷訂尤善六書音韻之學盧抱經段懋堂正西莊孫貽穀諸先生皆與之交

病中答邵生書

我病歸故鄉病中遲爾書爾書今晨來憐我積學翹績學豈
能癩質有厚薄殊厚如松與柏薄如柳與蒲我本柔脆多寒
暑時相於爾曹勿畏難勉力攻詩書立品乃初基榮名且後

圖念爾從我遊數載如須與六經已成誦終身堪楷模况爾
家學垂門多長者車我病雖不起豈憂無師乎臨池筆屢停
霜風侵肌膚

李清華

字寶生號湛園秀水諸生著漱六軒詩草

梅里詩輯先從叔天資聰敏蚤有聲譽嘗從六忍從祖遊得其講解與家春浦采芝王碧山諸先生並列文壇楷法詩

烏臼枝詞

阿儂家在浣花村
迎村烏臼繞村門
指耶繫馬濃陰下
記得門前烏臼根

紅板橋東畫閣西
碧雲滿樹望中齊
年年陌上花開候
愁聽前村烏臼啼

李鶴齡

字展成一字專城號四香水諸生著四香閣吟稿

兩浙翰軒錄

卷三十四

錢穀 李清華 李鶴齡

七

王弇州祠堂

名園堅臥十餘春爲恨青詞媚紫宸

謂分時局乍新邊事白直也

謂穆廟初詔文

宦情仍淡勝遊頻留都風采傾朝野經史文

竟有詔追復也

章絳鳳麟會州嘗曰北地李空同先生夢陽信

咫尺太原祠

祀肅蕪香千古獨難泯

同人觀湖海上予不果往題非醉詩後

水立空天飛雪濤浪花曾記濕征袍
曲江袖拂湖頭落瀛海帆連雲脚高
見慣不奇容我嬾歌成寡和羨君豪
停掛試讀

驚人句一片秋聲風雨游

李稱膝

字耕麓一字蛻庵秀水諸生著寸碧山堂集

梅里詩輯先生爲幕府名流卜築山堂於濛葭之濱與

家六忍許膺堂諸先生聘燕吟咏庶得晚年之樂詩解

澆淫脫束則若秋一洗纖巧

澆淫之習有梅會詩選行世

送王鷗嶼入楚

傳聞三楚外戎馬未曾休
綠酒一樽別黃花滿地愁
雲迷麋子國塵暗庾公樓
珍重滄江路毋貽白髮憂

錢鼎江曉發

遙指赤松宮孤颿趁曉風
江聲殘夢裏人語亂流中
淦淦早潮白曠曠曉日紅
忽思窮萬里直泝海門東

送鄭砥亭之明州

二百八十峯峯無定容
偶攜綠玉杖去踏青芙蓉
聖水山經誌藏書石室封
仙靈此中聚爲我訪遺蹤

歷下亭

海石孤亭在招尋
樹風聞砌甃員外屐
簾捲誰湖雲嵐翠侵
衣濕荷香撲鼻薰
倦懷杜陵叟吟坐及斜曛

寄懷舍弟石田

五載西江感別離，到來於越短書遲。
嗟余寥落猶今日，知爾容顏憶昔時。
夜雨虛尋青草夢，春風誰補白華詩。
何當共倚南湖櫂，范蠡祠前下釣絲。

回容齋觀察遊西湖次韻

一片清陰萬柳絲，晚涼初動獨尋詩。
白雲斜界仙人嶺，綠樹低圍故相祠。
水上笙歌增客恨，山中梅鶴動人思。
十三亭外秋風起，準擬浮家作釣師。

旅况寄示鏗兒

酒興吟情百未宜，客窗無睡起偏遲。
心繫鄉國非今日，眼送韶華又此時。
古木寒鴉高士墨，水田白鷺右丞詩。
柴門此景尋常見，可許漁翁理釣絲。

三山旅邸與德天錫方伯談西湖之勝

孤山面面起樓臺萬戶千門傍水開不到湖心回首望那知

人世有蓬萊

白居易望孤山寺詩到岸請君迴首望蓬萊宮在冰中央

南屏山高插碧空忽看晚照下雷峯烟深翠積不知處時到一聲天外鐘

天竺遙峰翠鷲生雙隄疎柳晚烟輕六橋浮徧不歸去權入三潭看月明

夏

鑿

字槐雲海鹽貢生著磊軒詩稿

性誰曰磊軒嘗賦田家游仙詩牛角掛書并橫笛頗騎
茅狗學飛昇養得藹成如瓠盎不栽桃樹盡栽桑橘中
別有神仙窟休說安期聚似瓠蓋效吾家純翁而小變
其語者先柯亭司成有蒹影詩如數武淡香分對榻
一窗生意出孤擎竟夜不移香不染晚年相對意相關
為羨西園所稱一時呼為汪蒹影磊軒咏菊有云雨後
晚香清葉別霜前秋思動山家數叢殘蝶荒煙外一路
寒蕪細雨中老圃未荒秋雨後重陽曾占曉風前立殘

廢苑斜陽影飲罷疎籬
黃葉封苔極造句之工

同笠亭西郊看梅

春寒十日遲風雪天遣梅花晚放顛斜立小橋新霽後半橫
老屋夕陽邊茶煙禪榻畱清賞細雨疎籬記往年傳語風光
太流轉須拚一飲醉花前

商元東

字泰望涇縣諸生著清園詩鈔

浦口晚泊

夜靜山月高湖水明如鏡孤篷入翠烟住久波始定遠樹隱
招提白雲渡清磬何處滄浪歌泠泠四山應

徐天池故里

雲白蒼涼鶴不回祇餘小徑沒蒿萊百年遺事存談數一代
詩人本逸才白鹿空增文苑價青藤猶傍後庭栽土城苔碣

厚準徧

先光祿公有別墅在鴻爪離離動客哀

秦錫淳

字執我號沐雲臨海人乾隆丙子舉人

見調

瑞金未特忤上官罷歸貧甚破樓風雨有人所不堪者

金陵沐雲往遊名士爭投稿約前後在京師十餘年公
經寄為沐雲堂名亦學士所書額也所著衍極圖四卷
本其父赤山先生之稿而補成之者

春歸曲

春從何處來春來何處去桃李默無言畱春春不住螻蟻有

穴蜂有衙入門各自求其家光陰似客疑無主也教一歲一

回車思婦高樓白板扉天涯遊子杳未歸捲簾日逐雙飛燕

恰驚時節度芳菲芳菲易謝容易改惜春那得春長在春歸

如過可憐人道妾年年悲送春

題觀海樓

信有蓬瀛紀十洲登臨一望海天秋
日南萬里虛無岸越北
千山盡此樓湖落平沙看舉網帆移隔樹見行舟
檢書坐愛層樓上滿架琳瑯似鄴侯

方廷燾

字漢菴壽昌人乾隆甲戌進士官五寨知縣著西塘遺草

薄信西塘詩序略曰壽菴性情冲澹吐屬高妙於柴桑為近余與宦游同地數年於茲不及相為廢唱今壽菴遂初成賦乃以詩一卷畀余所謂質而實綺靡而實腴也

東臯書屋小飲雨後見月

客來卽飲酒舉眼看青山明月自秋夜清風吹醉顏
水鳴深樹外雨歇亂雲間此景須相惜人生幾日閒

送鹽與顧小韓書二絕句代簡

送君五斗水晶鹽聊佐罍苴對酒拈
差喜年來邊土熟芥虀
松甲日麤兼

十八灘

往聞十八灘今日乃親見灘石青齒齒
灘水白練練舟盤石
罅行其間不容線
尺寸波中爭千尋
木末牽人與水石
逆船頭浪花濺
一灘方未平一灘起
當面骨骨沸鼎湯
霍霍離弦箭
施楫類膠柱著力殊磨麪
王元之磨麪詩若人輕著力便是轉身時
忽聞濤波喧
砰訇走雷電
大石觸巨浪飛沫散
晴霞潛濤湧江心怒激
各成淀其下森鋒鋞
慮患更難避往往破舟腹
利甚戈矛剗
半日五里餘容狀已三變
誰爲此設施地險絕南甸
安得秦庭鞭制彼巨寇
扑

停舟河泊所

南折斷江流
卷三十四
方廷燕

瑟瑟催林葉西風露欲霜天從愁處闕夜向病中長枕上灘
聲急船頭月色涼故鄉音信遠哀雁爲誰忙

阮培元

字廷材一字篤菴號蒼溪黃巖人乾隆己卯舉人官嘉興教諭

秋日同人遊委羽山美楊槐友明府

委羽僊人居透蓮林壑美自來殿齒稀破屋臥高士使君神
仙流山作蓬萊擬披剔出丹房飛橋映稽水新秋挈伴行奇
踪探原委緣逕刷黃精隨風拾松子野鳥鳴啾啾巖花亦毗
毗想見洞中人幽意沁肌髓昔欲遊九垓聚吟詩綺靡汗漫
空與期十載羈行止茲來聊寫心列坐談圭旨長嘯弄白雲
促歸興未已遙念暮山佳月到兩崖裏

吳中麟

字萬淵號佛川錢唐人焯孫

朱文瀛曰佛川爲鶴亭先生仲子性慷慨樂施完人婚
嫁事指不誇屈盛能善承祖父之志者也而嗜書耽吟

又復能世其學惜歷年不承予獲交
於歐亭先生時已不及見佛川矣

送丁大健之婺州

秋色西湖好詩遂不肯停客程江樹碧鄉夢越山青涼占藤
陰古愁添酒意醒赤松遺蹟在遊展定能經

施大學謙自仁川歸見過

橘柚香吹鵲噪徐閑吟正合覓相於秋鐙影裏客來久涼雁
聲中月上初別夢應從今夜斷交情豈爲隔年疎還沾濁酒
畱同醉自向家園翦晚蔬

白鹽官復至清溪

兩度吳羌縱十日門前不減綠溪光輕鱖繫處低徊久秋樹
如人立夕陽

訪西吳舊隱卽和其詩

兩浙輜軒錄卷三十四 阮培元吳中麟

是身還住世來往亦云聊影落淪漣水人歸略約橋間行拈
句適小立送雲遙撒去塵囂絕山春雪未銷

深深齋插竹短短結爲籬夾樹開屏面飛花過井眉烟霞煩
與護烏雀亦從窺莫遣酒人過難扶醉倒時

王

銘

字友仁一字西濤錢

春水齋集自序略曰余弱冠後始學爲詩取蕭選暨三
唐諸作以爲師法未有指授之者後數年以所著就正
杭董浦太史太史言近爲詩者止工於近體如君長篇
古體不能爲也太史又教以熟讀昌黎詩及少陵太白
左司河東右丞襄陽凡七家於是奉之爲宗暇食以之
迄今廣四十餘年歲月如馳年老衰病一生精詣恐遺
淪沒因亟自剛繕
訂定爲春水齋集

水碓三十韻

清溪界寒村曲水繞千尺圓波匝岸澄微瀾漾天碧村人事
機春鍊堰踞溪竹結廬小誅茆瘞白深堊石盤建屋頭飯類

安柱底礪纔分勢高低早作浪衝激似軸杵既多如車輪乃
隻循環得周流掠齒竟高擲走况日經天橫伴牛負輓千盤
皆利順一往無拂逆彼此互翻騰起落迭敲擊藥藥異牆成
登登防地拆知行不知止一揚還一抑動若俯仰然旋非推
挽則高下祇隨宜疾徐偏中拍詎筵將撞鐘匪梭弗停織百
拜穎稽頰九迴腸轉劇在磨蟻獨行奔槽馬齊食脂臺不用
施輓轡儼相掖情方水車閑巧視風箱敵直因勞天工漫爾
進人力去春前年冬此縣凶荒極青錢三百強斗米不得糴
今來甚豐稔穰秬臥阡陌早稻割已多遙擔確旁積安坐待
精春洪波聽瀟瀟飯徵穀頭良粟判雲子白簸揚從輕風推
鑿假片刻巖廬林薄內炊煙午時逼我歌幸有秋卽事生悅

懌

登春江第一樓

城郭江天儼畫圖，高樓望眼入寒蕪。
山連別縣青難了，水沒遙空澹欲無。
犀甲千秋遺跡遠，漁竿終古寄情孤。
風帆片片開來去，付與詩人一撚鬚。

陳

鑑

字以三，號遠村，錢唐人。

朱彭曰：遠村少耽風雅，與丁誠叔曹荔、帷施石泉及舅氏徐南徐、釋吟湖、上頌爲諸前輩。所稱詩、杭、蓮、蒲、大史云：遠村詩清和雅，正能自弁其所符不弱竊前人贗語。

崇聖院

輕舟郭外停野岸，步蕭爽旋穿固寧巷。
却見般若榜門臨翠欄，乾石狗壓修廣沿堦忍草繁。
日棟古栢兩經寮，窈而深佛屋虛且敞。
嵌壁貞珉兩好事，先吾黨言觀尊者軒聯轡。
入篠鶻茶甌瀉吉光，泉禪味悵陶賞意行山之陽。
犖礪斷林莽，惟

聞柳浦鐘飛送吟筇

同北山老人過春涼亭

靈鷲峰前路陰森午不知涼生松際雨風颺鬢邊絲夏木自
新色泉聲如舊時山人能導客幽討未嫌遲

南山亭秋望同舒雲亭明府梁護林先生施竹田丈徐
南徐舅氏吳次公曹荔帷諸桐嶼施石泉讓山上人

分韻

游屐爭乘一日閒只緣有客住南山

謂雲亭明府

詩成米老殘碑

昨秋在黃妃古塔間樹影蕭疎搖碧水雲光渲染上孱顏
欄却見當頭月待送吟朋鼓枻還

題興福教院

獅子峯連乳竇泉無多精舍寄枯禪茶分新水修篁裏瓶養

幽花繡佛前鈴語得風聲不定林鴉覓食晚爭先齋心欲了
尋山願畢竟吾生有夙緣

張廷謨

字汝梁號若培又號抱山老人
碧溪詩話抱山老人工詩與諸弟多倡和所交皆當世
著宿嘗客粵羅客魯與修闕里文獻志南歸後之四明
於越吳興晚乃里
居以吟味自娛

獨坐草堂有感

人間憂患獨鍾余總角真成失水魚素業幸猶繩祖武殘編
嘆已屬秦餘刀圭欲乞愁無路歲月頻更始有廬差喜居隣
高士地竹籬花當俗塵疎

將之赤城先寄雨村

復此事行役台山幾度登市收苔菜未

台俗每于夏初盛市苔菜風紀棟

花曾礪曲啞春漲峯迴出翠樓紀遊忻有草細論疑挑銜雨

遊天台得紀
游詩百餘首

卜居

予家素居杭之五福里自遭祝融之厄家具蕩然卜
居似奕今更宅于東城之珍珠巷蓋五遷厥居已茲
宅池僻境幽富貴者所不屑意近有泉園之勝遠與
南湖花隱相隣接而以予之潦倒疎頑嘯歌其間庶
其常有此居乎

匏繫還如昨巢棲或自茲種花還治地插枳便成籬莫謂瓜
牛陋真憐豹霧宜交無王錄事敢冀艸堂資

竟墨行

并序

昔竟州宋時產墨余閱王漁洋居易錄凡前人道及
竟墨者必詳記不下四五見可爲好事已然余至魯

併無人知有宋時產墨之說者爰作此題其後

廷珪東徙潘谷死能事獨數江都矣冷光翠色五花飛黑玉
烏金差足擬中間佳者亦數家墨中三昧殊堪誇建元後起
號殊絕超羅含李質無加一九入手抵尺璧愛之不異性命
惜九元三極品莫逾終南上黨皆無色數百年來獨擅場珍
材妙手誰能方化松堂裏蓬蓿長藝文館下鼪鼯藏未虞韋
沈迹如掃兗州誰說諸陳好辛苦新城王阮亭風窗雨榭窮
搜討卽今試問東山松蒼蒼古色苔花濃子墨客卿兩間寂
研泥削木俱溟濛不見寺門墨如漆壁月瓊枝一時失惟有
山中十八公黛色常含太古月

和山陰陶鳧亭新成泊鷗莊

莊在裏湖
葛嶺下

不出門庭日對山湖光况復笑談間幽棲獨此擅絕勝浮世

幾人得暫閒六枳櫬來塵自遠千竿擁處戶常關落成正值
秋佳候好貯芳醪醉菊斑

落花老屋話舊

竹光梅影寂無譁茶話蟬聯忘日斜勝踐掉頭成昔夢故人
僕指似寒花苔痕減盡春還長吟伴稀來老益賒憑仗吾翁
牛耳執殷兄張丈尙堪誇

張廷俊

字彥超號雨村仁和人
家台州

溧松齡曰雨村幼耽吟咏齊息園少宗伯稱其詩韻清
遠能入古人之室以山水朋友爲性命已刻有天台遊
草湖上遊草雁蕩遊草行世涵
遠山房詩全集廿八卷藏於家

清明日招同陳叔莊雪懷心舟兩上人集藕花寓廬得

花字

修篁夾徑寂無譁社日初過燕影斜勝引乍聯情自劇新詩

兩浙輟軒錄

卷三十四

張廷俊

三

欲就手頻又偶憑山閣聽疎雨閒憩僧廊數落花瞥眼年光
春又老舊游棧觸思無涯

重過蒼嶺

嘗攜蠟屐過巖高峭壁雲生晝欲暝慚愧山靈應見笑七年
塵夢未曾醒

茅茨三兩住峻嶒小憩何妨倚瘦藤莫訝此身頻履險嶺頭
猶有看雲僧

秋日寄懷陳瑤圃

藉甚陳無已幽懷近若何閉門秋色老衝口好詩多日落暉
聲遶天空雁陣過幾時尋舊約湖畔製漁蓑

新綠

杳蕩春陰渺莫攀遠臨村落近溪灣未全遮處林光嫩略補

平來野燒斑晴色欲爭新漲水雨痕初沐夕陽山韶華正好
渾難說只在輕黃淺碧間

雨游靈巖抵山麓忽霽游畢旋雨誠勝緣也

積雨晝若暝孤篷斂微陽放舟繞湖際天水何蒼茫忽憐陰
翳散松竹含晴光盤盤入空翠一徑投僧房延我淪雲蒼貌
古鬚眉蒼寒泉清客心曲曲穿深篁坐久聞孤磬暫憩支公
牀猛雨促歸棹光景殊難忘

袁簡齋太史枉駕相訪時將遊天台詩以送之

忽覺家鄉作異鄉笑予也似客中忙

公本杭人今寓金陵予亦寄居霞城

千山

聳翠迎詞客一杖挑雲過石梁羈跡悵難陪笠屐題名恰喜
遇班揚潘吳齊沈鄱陳述

潘稼堂吳寶崖諸公遊草甚富

又賺新詩滿錦囊

天霽以事羈不得至湖上有感

如此風光不出城，開鷗笑我太憨生。
桃花已覺十分好，天氣怕無三日晴。
攜杖買醪堤路滑，憑欄啜茗午風清。
塵緣底事頻相擾，安得終朝坐聽鶯。

黃

堂

字聖階一字月巖仁祖諸生基弟著月巖詩草

黃模曰月巖幼孤露兄嫂撫成立讀書十行俱下泊兄嫂相繼逝月巖潦倒十餘年卒

田婦詞

木棉衫子木棉裳，短鬢低鬟淡淡粧。
學得城中新禮數，見人也學道勝常。

殷勤先祭馬頭娘，就近還燒十廟香。
收拾春衫理璘藉，不辭辛苦入蠶房。

豆花棚外竹槍籬，來往無人任笑嬉。
自是鄉村拘束少，繩牀蒲扇納涼時。

稻火煨將芋栗紅，隻雞斗酒樂年豐。儂家夫婿常相伴，不用

回文錦字工

汪彭壽

字靜甫，號葑園，仁和人。沉子官鎮江府經歷，著荷花老屋吟稿二卷。

張廷俊曰：葑園自參軍以親老告歸，詩稟尊甫槐塘微君學真州鄭湘人觀察，稱其清雅俊邁之中，寓溫柔敦厚之旨。

靈峯寺

幽溪尋幾折，香界歷千層。谷暗疑無路，峯迴忽遇僧。松門斜抱石，苔壁半垂藤。坐對諸天近，還參最上乘。

靈峯諸勝

俯檻窺羣岫，蒼蒼撲面來。一拳蹲虎石，雙闕鬪雞臺。玉筍撐空瘦，金英拂障開。肖形呈衆妙，雲路重徘徊。

汪介壽

字芥圃，仁和人。俊貢生。沈子彭壽弟，著芥圃詩稿。

兩浙輶軒錄

卷三十四

黃堂汪彭壽汪介壽

三

張樞芥圃詩稿序略曰吾杭詩學最盛而近年來一里之內衡宇相望各自名家則惟松里五子西類在徵君為松里冠冕以詩名海內伯子葑園仲子芥圃皆能世其學當時比之太邱陳氏眉山蘇氏非虛美也芥圃天資英妙工文詞早貢成均尤善筆札試廣文未及受策而卒著述所留僅百餘首芥圃為人蘊藉朋友閑推襟送抱尤篤於同氣其懷兄云聽雨夜憐同寂寔寄書人恨半沈浮喜兄歸云驚心怕說灘河險見面真知願多澗送兄云門內自憐兄弟少貧來長覺別離多種綿悵悵情溢乎辭令人三復不忍置

懷大兄在閩中卽次送王曲屏還杭韻

阿兄負米作南遊每對荆花動遠愁聽雨夜憐同寂寞寄書人恨半沈浮雨月不得音問近九秋豪興隨雲淡千里離情逐水流為誦異鄉加飯句杜牧詩異鄉加飯弟兄心尺書緘罷屢搔頭

大兄自閩歸喜賦

關南千里阿兄歸入暮歡聲動竹扉白髮老人開笑口黃花時節著斑衣驚心怕說灘河險見面真知願願得百年

皆此夕何須六翮羨高飛

蕭立選

字凌飛號蕭泉錢塘人乾隆庚辰舉人官德興知縣著蕪泉吟草

蔣士銓蕪泉吟草序略曰蕪泉先生爲虎林名宿樵樵江西歷宰巖邑措置施行所無事民心悅服不飾其隱退食一燈雜調經然所著有經學源流尚書鈔左氏內外傳戴記莊騷史漢八家文評手錄全唐詩及社詩評注等編詩

其片羽也

戴望曰香泉爲余庚辰同年出宰年已六十掀髯抗論但知爲諸侯老賓客未知其潛心理學著作等身其詩

爲佳壻陳廣寧收存

故未湮沒亦可慰也

碧谿詩話蕭香泉家於飛來峯旁與孤山徐袖東同時稱西湖才子近數十年來稱詩湖上者竟成絕響矣

法螺菴小憩

楞伽山徑半平陸十步五步看不足山齋穿入佛者廬別有
烟霽成鸞鷗法螺精舍烟霏微耳目變易神工奇天生龍嵒
石騁怪凹青凸白周四圍肖形未許蝸殼並下削中豐上瘦

挺瞰空盤旋勢欲飛樓閣崢嶸結其頂我聞雞園鹿苑鶴伽
藍以螺取義禪可參新篇刻畫亦安用彈指變滅隨雲巒

過富陽

風水雨不遵欲到富陽久灘清細石齒履軟平沙走人家幾
疊烟縣郭數株柳春江第一樓高傍山城口攬奇得十五吞
川約八九滔滔清絕處過者重回首

午泊東館

灘高流又急怒水逢舟戰進寸退還尺愁坐臥亦倦米鹽江
店襍耕農山家賤逐利舟子停尋村客步散此間風氣古迥
隔他鄉縣紅裙少婦湔白蜺野翁飯矮房出高竿舊窠遲新
燕搔首睦州城氤氳雲一片

祝

嘉

字明甫號西澗秀水人雜詠子乾
隆庚辰舉人著西澗詩鈔四卷

丁子復傳略曰西澗先生世居海寧之園花曾祖翼權
得構李錢氏緣溪莊乃移家焉父維詰與錢宗伯載王
比部又曾結文酒之會先生幼秉筆爲人落拓高簡不
緒論誰髻工文翰登乾隆庚辰賢書爲人落拓高簡不
事生產家日益落亦棄去每遷一居必偏植花卉竹
木曰寧食無肉不可居無竹也善畫梅詩嗜山谷去壑
澀之習故其所作淡折向峭中有紆徐往復之致錢大
史世錫曰我於詩得切確之細於西澗晚游滄州注渤
海書院講席數年歸疾亟啗西瓜數枚曰我病不可起
食此洗腸則可命求人川竹葉煎水浴我以去外垢卒
年五十一

花溪雜詠

新晴稻把縛山田黃犢沾泥巷口眠正欲重臨乞米帖渡頭
聞說到租船

新韭

新芽出土短成叢一翦誰分細雨中忽破齋期羹入筋乍添
客座餅開籠三冬嫩配駢頭筍九月香殊踴地菘佛見定知

開口笑諺云九月非佛見也開口庾郎每飯不愁空

楊梅

開白垂深紫銅坑熟幾村點膚勻起粟沁指淺畱痕盒饋鹽
花糝瓶滅酒味存蔗漿寒共飽入夏慰文園

和少京兆申笏山先生時晴齋偶成卽次原韻

齋爲汪文路公

宅別

景星仰望敢爭先幫屐追隨後日綠好待流鶯春恰恰偶來
舊雨話綿綿檢書想見燒官燭借廡方謀竭子錢瑟縮深慚
若不易春風吹草句誰傳

雜稻

田家九十月場圃如不毛及時麥苗苗分種勒枯榨捆束紅
穉壓尙緩打撲勞茅茨少空虛檐外風騷騷堆積後居上苦

蓋工周遭厖然望之喜大有使我高較量對衡宇農父意頗
豪千村鳥雀聚日暮猶嗷嗷

螟蛉

捷泥管城居雌聲若出虛類我勿類我中書不中書

臘八日微雪飲借樹軒賦煖椀

寒暄好景無時無身如蟄蟲與自孤今朝臥起忽禁瘁霰雪
庭下綏綏鋪春梗煮糜供繡佛煖分數口沾妻孥錢君豪氣
欲壓雪羹材飲具羅庖厨招我一渡勝寒驢借樹小築借雪
娛滿盤通紅堆榻袖更置鼎實工形模旁垂兩耳安四足下
注一勺燒春沾蠟可代薪勢易熾酒能起焰理則殊潛然陰
火疑洪鑪底患筋頭盡凝酥回燈添酒醉且飽令我耳熱訝
烏烏似燐雉兔亦雋味何似盛盃氣自煦平生凍蕪甘百甕

嚼冰齒頰不肯蘇炙手世態朱門趨淺斟低唱貂襜褕僕病
未能行崎嶇柴扉剝啄來索述銷寒有會真良圖憑渠夜積

一文白錚然櫛澤猶傾壺

嚴殿謬

字一士一字訥卷鄞人乾隆庚辰舉人

西廬雜議廣文與范孝廉我亭交最厚我亭爲子言廣
文最篤友朋之誼江東包棟山與廣文同受知於學使

靈公已卯秋試前同肄業版文書院寓於武林之道社

巷棟山病廣文躬親藥裹其死也含劑走烈日中庀喪

具試畢爲扶觀歸里癸未春同年生周安四歿京邸人

不敢視廣文徧告同人爲醖金治含發此皆人所難也

余嘗見廣文病中與我亭書言一切愛戀卽盡傾一二

是則可猶耿耿未忘此雖悟後語卽其家庭之間可知

慨也已

袁鈞曰嚴殿謬本定海人從父宦於鄞

送爲鄞人後官錢塘教諭卒甯家杭州

東甌雜詠

鑑興竟日雁催魂最喜今朝霽色開山到樂清看不盡黃柑

又過管頭來 雁蕩山周圍數十里靈秀殊常永嘉柑浙江每歲之方物也

屯字闢干亞字牆調煤傅粉復雕梁如何四壁唯編篋引得

春風入洞房 溫俗僅用篋笠

蔡

封

辛巳進士官正定知府有義軒荆稿

蔡鉅觀行狀略曰府君諱選授四川夾江知縣丁外內
服闋補丹徒縣新程伊川祠與義學卓薦題知泰州
旋升直隸遵化知州擢正定知府課士於尊聞書院修
文日殿浙三忠祠祀唐常山平原兩顏公及宋歐陽

公工垂畢
遂捐館舍

邢江道中感懷

生當迎富底偏窮 二月二日為迎富日乃余誕辰也 廿載飄蓬西復東昨臘

已將窮送去扁舟何事又怱怱

李旦華

字憲吉號厚齋嘉興德慶貢生
良年元孫普青蓮館詩草

梅里詩輯乾隆丁丑壬午歲
聖駕幸杭州憲吉兩應

月斤前千象 卷三十四 嚴殿謫蔡封李旦華

望

名試瓶列高等年甫弱冠輦下貴人羅致門下小有拂意排

頭竟歸有才未遇遂奪其算余浪游已倦思歸取所爲

詩文換著蒼萃成書洵汰斂揚方將引

憲吉助我而今乃輯其遺詩可悲已

南野堂筆記樽里李厚齋明錦先生後人敬堂明

府子也童年淹貫經史長而不遇未三十卒爲詩博綜

閱麗出都以後作多悽愴愁歎之辭境使然賦如夜雨

句云離情似春草一夕雨中生武林云紅蕖乍添秋後

因緣燕初洗前中山郡鄆馬上作云大漠風高飛車急

平原日落晚鴻哀閣平老翁云元都一別春風老白鶴

重來歲月徂不減

有明前後七子

夜雨

旅館宵將盡孤燈暗不明離情似春草一夕雨中生楚樹重

重隔吳雲渺渺輕臥聽檐溜滴鄉夢幾曾成

香泉暫遊宛鄧作詩送之

宛鄧東西路朝來匹馬行名都唐節鎮佳麗漢陪京莽蒼尋

山意遲迴弔古情經過平子宅醉墨定縱橫

飛雨商於霽連峯落日黃地形連鞏洛山勢控荆襄俯仰雄
圖欲登臨夏景長知君憑弔處雲暗臥龍岡

渡滹沱河

汗漫真爲河朔遊滹沱北望是并州天橫碣石青無際水障
寒沙斷復流渡口風煙高邑暮關門山色太行秋驅車欲問
當年事麥飯亭空野樹稠

邯鄲馬上行

百年樓觀暮雲迴一騎邯鄲古道來大漠風高飛隼急平原
日落晚鴻哀便過漳水浮河水却望叢臺接吹臺秋草關山
猶沃若名都趙魏寶雄哉

送程抱樸先生入都謁選

別墅蓮書屋閒情據碧梧過從幾晨夕送遠一踟躕紅葉秋

山晚長河落日孤誰吟驢背句應憶小長蘆

先生甲戌借家
君赴春官繪驢

肯聯
吟圖

開平老翁詩 有序

晴溪夫子見示嶺外雜詠中有開平老翁詩述翁再
補博士弟子俱值癸未歲甲子一周重遊鄉學間年
八十七矣范君松亭亦賦七律一章余奇其事戲和

其韻

底事雕蟲悔壯夫衰翁九十典猶癡元都一別春風老白鶴
重來歲月徂自有文章于氣象莫嫌甲子混泥塗賺他絳帳
敲銅句譜入張爲主客圖

重過虎林同沈雲椒作

故人幾日掩雲關訪我蒹葭水一灣紅葉乍添秋後樹綠蕪

初洗雨餘山螭頭姓氏曾聯璧雞肋功名亦解顏更喜清宵

同翦燭篋中行卷待君刪

時賢東舉夫子咨入成均者六人吳君翥張君培姚君梁張君時風

雲報及予也

得范松亭嶺外書却寄

迢遞行踪逐斷蓬與君溝水各西東
夢遙衡嶽啼猿外書到山城細雨中
別後又看春草碧宵來喜見燭花紅
江淮濕霧連朝暮苦憶猿天滯郝隆

孫

霖字武水號葵門山人歸安諸生著葵門山人詩十一卷

藍應元葵門山人集序略曰葵門弱冠往來西江嶺嶠泛舟東沙北走吳會歷雲間入閩居九仙勝處復渡東寧涉大海所歷名山川登陟聽皆足以洞豁耳目開拓心胸中間負笈從遊或參佐蓮幕騁詞分韻淳屬切刪故其詩日益適上集中長古風格駉駉玉局矣獨惜負奇才似塞棘開垂二十載生平坎壈困頓不一而足風朝雨夕羈旅無聊往往于詩發之

海陽夜發至揭陽

長橋迴首隔觸處動鄉情海月自千里潮雞將二更魚鹽喧
盛市枹鼓靜江城觀省明朝是何須計水程

次韻答張藻川師因寄泊村舅氏

曾學西江社裏人忽投佳句入秋新彩毫揮灑原無幾絳帳
追依未厭頻作宦翻愁春夢短歸田儘有好山親生涯合繼
明湖長講院清華絕點塵

切氏向有不爲山
長卽山們之語

篁菴訪全丈謝山沈丈振之

松寮無著絕輕埃禪榻頻移傍綠苔夢裏功名元是幻客中
懷抱未全開囊空剩有書千卷典到聊傾酒一盃梧竹忽傳
涼吹起颺颺錯認雨聲來

潘木保

字亦陶號五亭歸安監
生著小巖山人詩集

妍世鑿小敷山人詩序略曰余嘗聞諸先兄惹田曰詩
根于胎性成于積學五亭慧根風插雅緒獨抽屈則掃
除一室縹緗之外無他嗜頻年以來隻身隨侍歷鹿舟
車先意承顏未嘗有懈專其心于風雅先能驗其學於
家庭進而不已豈
僅高步一時已哉

清江浦

屯雲冠蓋靄隄隈使者防秋拂斗回打鼓又聞空漕轉萬艘
駕屋舉江來

一夜檣帆阻石尤客心爭似賈胡醫北人笑與南人語背指
黃河尺五流

江干待發

送者自厓返吾今獨遠遊烟波將卒歲天地一孤舟江向樟
亭關山從漁浦稠離羣感哀雁拍拍落汀洲

雲封寺

雲封峽裏雲封寺峽口雲迴倒退風雨氣未蘇陰洞黑夕陽
恰轉別峯紅仰看了了惟天豁再上層層少路通猿鳥不聞
清晝晦此間疑未闕洪濛

寓園時菊數畦端午時忽有作白華者玉雪可愛因紀

以詩

解帶科頭合掩扉松篁三徑正芳菲淵明若見應惆悵如此
東籬不早歸

試燈夜泊昌邑邨

帆落陂陀外斜陽有幾家村昏雲擁樹江靜月流沙戍柝驚
寒雁檣燈散宿雅荒程淹節序逝水惜年華

漱玉亭龍潭

涓涓馬尾水數縷石罅噴忽截爲兩島飛捲垂山跟一咽一

煎沸一激一騰翻拏攫蛟龍鬪轟擊雷霆喧我疑導硤石巨
斧劈崑崙不然太華裂傾倒玉女盆跳珠濺亂沫霜雪無罅
痕層厓忘戾午白晝恒陰昏堅寒入山骨草木失春溫注劫
暫停蓄垂瓶清不渾淨可數鬚髮潔可擷蘊絮徐徐出偃仄
灑灑漑邱原匪惟供眺聽亦藉滋青蕃竭來亭上坐會意不
能言谷風寒沁骨擺脫塵襟煩濯纓與洗耳此語永勿謾回
首世埃隔捐棄等籬樊循流溯絕頂試以窮其源

三峽橋

九十九飛瀑瀑匯非一狀匯流入三峽一束扼其吭石偃不
得逞勢欲挽之上小石怒莫磯大石立而抗水石兩不遜轟
擊成跳盪水忽稍避石石悍水復壯直趨建瓴如一落千百
丈洞漩躍深潭餘勇神愈王飛梁偃白虹彎彎出層嶂下視

斧削痕有若剖甕盎震掉不自持屏息焉敢放怪鳥忽呼風
赤日蔽嵐瘴四山倏陰疑徘徊思挾纊

野泊

秋原莽莽散平蕪積涼浮天綠共紆立渚沙明羣鷺浴摩空
風響一鷹呼口噓餘暑虹腰斷霞襯殘嵐雨脚粗忽地林蘆
烟抹盡半規毛月暈模糊

慎朝正

字端揆號菰城居士歸安諸生著研齋齋詩集

菰城居士傳略曰菰城居士時人也亦貧士也託處蓬蒿之間有書一紙有屋數椽食精暇輒淩凌桑柘

下詠歌以樂其志居近菰城因以菰城居士名焉

晨夕著春秋闡義及毛詩原志各數十卷趙東山范逸

之室不能過也問以餘力發為詩歌天真爛漫奄入南村

獨不受其半籠獨往獨來孤行無與真豪傑之士哉家

貧嗣業自給有水田數畝立苗觀刈躬親餽餉行吟阡

酒之問意

思蕭散

陳焯曰：魏城居士手編研露齋詩集成，以詩丐董蒲杭先生作序。先生答書云：尊作發源粟里，出入儲王淳古淡泊，不假求於酸醎，非時下名流可擬。製序得附驥以傳，固所願也。

讀春秋二首

客舍寂無事，晨起檢春秋。三傳互牴牾，百家盈紛糾。注釋本凡例，持論如刻舟。又如城旦書，鍛鍊何其周。遂使宣聖筆，幾與申韓侔。哀哉困長夜，一燈不可求。不知傳經者，曾考其義不竊取。有遺旨，昭如大路由，倘欲求筆削，試從孟氏謀。

何休真讒賊

程積齋說

杜預亦面友

陳鐵山說

傳信復傳疑，無出范氏

右然此一家言，師承只墨守。膏肓誰與鍼，在唐稱趙叟。叔佐開寔奧，伯冲從授受。原父揚其波，東山步其後。辨是析豪芒，一洗千年垢。立言傾其要，庶足垂不朽。

舍榭樹塢

編籬築茆舍託足山之阿山高饒風露其下多陂陀氣候雖
復異風物亦可嘉種樹鬱成林梅杏交枝柯桃李復間之葉
盛枝阿儻我來春未暮天氣喜晴和遲遲尋花塢行行踰竹
坡谷鳥遺好音風清下上歌此境洵可樂流憩任婆娑還欲
卷書籍來此松下哦

葉

誠字聲木號阜亭仁和人乾隆壬辰進士

徐光文瑞石山房集序畧曰聲木流儻有大異胸積書
數千卷馳驟古今瞭如眉列常慕陳同甫之爲人交游
重氣節不苟然諸諾副九鼎不易

詩詞清絕尤精陰陽五行之學

隨園詩話余夏間惡蚊常快此類甚痛而蚊乃鴉去偶

讀葉聲木齋蚊詩不覺大快詞曰虎狼偶食人人所寢

其皮獨怪蚤蝨蚊嗜人甘如俗蟻強我爲者糞穢鋒設雷

誰蚤出塵土問跳梁亦暫時爾蚊何爲者糞穢鋒設雷

訂盟如點將歎血遺飲飛聚昏更爲市利折秋毫微穿
衣巧刺繡中膚爲卓卓深入石飲羽潛侵劍切泥三伏

涼夜好清風吹滿懷時方愛露坐鳴簫一聲來快讀自
批頰振望空徘徊亦或中老拳磔裂鐵巨魁無奈苦搔
痒汗黏髮峩峩爽啾啾么麼蟲陰毒乃如斯長喙不擇肉
呼吸若乳兒怪底入夏瘦毛孔成漏厄安得通身手左
右將
交揮

游零落山

晨興縛青鞋春明事幽適因果古寺遊側帽望青壁地僻行
跡稀道左半窟宅寒逗花信遲草木初甲坼痕臥蜿蜒紛
若列檠戟湫流苔礫度陰洞鬼斧闢攀蘿陟前峯斗絕境愈
仄老松挿山腰妍暖翠欲滴嵐氣此長鎖霽色上烏翮僧磬
穿樵風琅然煩慮滌尋源得名泉茶浮葉家白願服土塔衣
從今謝縫掖惆悵依佛燈孤光照巖石

二月十一日泛舟紅橋至平山堂探梅同龔梧生司馬

孫枝作

昨宵雨霽花信來蜀崗樹樹三分開晨起窺檐漏晴旭吟魂
早與狂蜂逐岸幘司馬詩興豪對莊幸得相招要尋芳豈憚
泥路滑出郭一棹穿紅橋十里亭臺勢若接兩涯景物紛難
描粧愛貌姑照流水香疑篤梅隨輕橈名園未暇盡登歷沙
汀屢轉來山椒花光聚處化城出虛堂閒做遺六一數叢對
酒思昔游疎影迎人如舊識探奇更入十畝園小香雪舊名
十畝梅園
南枝北枝態殊絕濛濛花氣蒸白雲老眼迷離歸路失紛拏
塵事再到難躑躅猶擬三巡看須臾霖霖洒林樹花欲留人
雨催去

李

蘭

字香林號采芝秀水人從
蔭己亥舉人善采芝吟稿

梅里詩輯余幼時聞先生母查孺人嚴嚴日稍晏起輒
加鞭朴先生奉侍極孝文筆個儼排界詩亦俊邁不羣

弄珠樓春藻

遠送登樓目，鶯花攬獨愁。
光風浮碧樹，春水起孤舟。
山勢皆東向，湖瀾少北流。
古人文灑地，綵筆壓滄洲。

鴛鴦湖垂釣圖

綠笠青蓑倚短橈，賣魚沽酒儘逍遙。
一分烟雨三分水，舟繫春波第幾橋。

李

淦

字玉持號春浦秀水人乾隆癸卯舉人有師竹齋稿

梅里詩軒里中自許晦堂金采江家六忍諸前輩後繼起者爲王碧山楊未亥諸先生當時有愛吾廬文社先生天資穎粹事親極孝與人蕩然無作者六忍從祖謂終身皆孝子之容亦惟先生不愧斯言詩多溫和平雅稱其爲人

松江道中

巨澤連橫浦，孤舟近海門。
帆懸天際樹，潮沒渡江痕。
塔影斜塘轉，烟光落照昏。
陸機臺畔草，極目一銷魂。

雨浙續軒錄

卷三十四

李 蘭 李 淦

吳

杜正華

字夢先東陽諸生

甌山訪陳安居故蹟

鶴背歸來定幾時，半欹芝朵半松枝。
九還在甌寧多訣，一竅通靈仗獨知。
茅屋春山人拜道，草堂秋雨客尋思。
假年寡過情癡絕，要待神仙浣雪姿。

王鴻業

武義諸生

明招山訪呂紫薇墓

山巉石立風棱棱，氣削太華芙蓉青。
間有紫薇呂公墓，春秋故解餘麟經。
其人雖沒文章在，詩心仍粹西江派。
獨於瘦硬取通神，險絕丰稜筆以外。
元堂築向明招山，琢瓊刊壁披雲關。
我來訪古斷碑卓，一壑尙抱峯迴環。
况復東萊森道學，合際崇陸中尊嶽。
兀岡古易炳先型，回首朱雲肯顛角。

王夢錫

分水人乾隆
丙子舉人

春興

弱柳拖黃暗曉鶯小園物候近清明青歸逕草香猶濕紅坼
山茶暖更晴魚婢乍湖池藻動燕奴斜入畫簾輕尋春好趁
宜春服快對東風似折醒

王

湘

分水副
貢生

桐江舟中

一棹嚴陵路舟行宛宛通不知青嶂斷時有白雲逢微雨輕
陰閣殘霞薄靄烘仙人曾採藥舊事訪疎桐

桐江櫂歌

嬌小吳娃攏髻年輕衫窄袖舵樓邊搶風打槳生來慣儂是
嚴州九姓船

兩折贈汗錄

卷三十四

楚華王鴻業王夢錫王湘

卒

謝金圃惠柑書此奉酬

宜都嘉種得分嘗一掬輕圓染嫩黃
秋曉露清凝玉液春盤
片薄湛冰漿盈盈未許吳鹽點
汜汜寧輸越荔香却憶鶯啼
江上路攜將深樹沁詩腸

汪

新

字又新號芍岐仁和人乾隆丁丑進士由翰林
南巡學編建皆以公明見稱出爲湖南監司歷官至湖
北巡撫時窺匪方張遂有專闢之任數年中勦賊撫民
具見籌畫竟以勤勞卒於襄陽軍營士民傷之於羊
叔子云爲人外和內介恪恭盡職四十年如一日嘗言
居官有六字訣眼到心到身到故所莅皆有實政可傳
下生講求經濟以餘事作詩人溫厚和平不
失性情之正配方夫人亦能詩閑中多倡和

古意二首

涼颺散炎暑秋林發清商
撫景忽云邁露白已成霜
密葉漸
辭條翻飛落銀塘
銀塘白日冷澗絕水一方
迴風或飛舞天

未徒相望眷言秋氣悲離別摧中腸

越禽辭故枝飛翔向南陲一朝嬰世網巢居安得私寒暑幾
代謝山川成孤羈賴有鸞鶴羣蹠躩在雲逵時復吐好音鳴
和山之媚去去莫回顧處堂非所期

辛峰閣聽雨和鶴江韻

春愁無計遣况復雨兼風薄霧凝高閣寒雲沒斷鴻蒲團同
白足箬笠愧漁翁勾引離鄉思更殘滴瀝中

過吳門別家兄研岑

喜極翻成恨逢君又別君連牀他日約摻袂此時分竹屋春
香雨江天驛路雲關情飛短夢後夜各相聞

壬辰晚春使車發興郡途中有作

半載停車學閉關重攜鉛槧閱塵寰人原故我非今我泉已

離山却在山數點鈎春花慘澹一聲破曉鳥綿蠻不須畏說
登臨險鴻爪泥痕認往還

和邵藁官立秋雨窗卽事原韻兼寓感懷

糝霰細雨散絲明應節庭梧已作聲
差喜暑闌三伏盡便看
秋至十分清垂簾坐處琴書潤
步履吟餘芻葛輕又是年時
剛過半客懷無藉夢魂驚

勞人撫景思偏長絃管初調律應商
朋輩紛如風掃萍名心
徹似熱初涼華年錦瑟隨流水
春草青袍認舊香禪榻繫絲
增暮感燕臺回首十年強

君家成籍最風流結伴來從上國遊
雙闕層城瞻北極滄雲
疎雨詠南樓用少陵立秋對雨意
天涯鴻爪留新跡月窟蟾枝惹舊愁
爲卑摩空鵬翮健他時記取廣寒秋

少住爲佳客館停憑將情話伴孤醒蕭條舊宅梁間燕零落
諸昆雨後螢自己卯復至京從兄卽世去夏二先兄又祖謝愧我鬢髭潛換黑喜君
雲霧撥來青長歌自是牢愁甚和向秋窗折歷聽

交河馬上口號

雨餘風景快清和拂拂垂楊淺淺波爲愛軟紅初試馬亂蟬
聲裏過交河

壬辰春校士興郡郭生鍾嶽年九十二應童子試余拔

取之非口占一絕以贈

已栽桃李更栽松看取虬枝學化龍好護雪霜榮壽域他時

名號樽秦封

生後年過百齡益荷授國子司業庚戌與千叟宴

殊恩

父

荃

字穎齋號寬圃錢塘人乾隆己卯舉人官盧氏知縣著茂林山房詩集

陳馮壽曰及君幸盧氏五年有惠政乞養歸遂不出

兩浙輶軒錄

卷三十四

父荃

三

客上海將歸畱別同人

雪泥鴻爪悟因緣，來去渾拈一指禪。
人別兩峰秋未老，棹回三柳月初圓。
詩懣海外成坡集，榻喜堂中爲禪懸。
明發輕拋詩酒伴，逢誰問訊孝廉船。

集小眼齋題恒上人古木新篁圖

披衣蚤起離藤牀，巷落循走東家牆。
一林翠影夏風竹，兩腋習習生清涼。
入門雜坐愜茶話，恰好畫幅懸山房。
炎歊埃鬱筆下掃，上有古木旁新篁。
空山無人野花發，妙意可想不可方。
恒公自是支公行，畫禪玉局稱頡頏。
宜付添丁寶此器，令雙荷葉罕收藏。

吳

寧

字方伯，號浣亭，錢塘人。乾隆己卯舉人，官雲南通海縣。

冬日過田家三首

短短雙扉白竹編黃泥牆子半橫阡橋邊酒旆三家市林外
雞聲午舍煙望歲劇憐珠似粟書秋喜免石爲田築塲納稼
時樂吳下香稻舊有年

雨笠烟蓑久荷鋤每從歲杪乞三餘羔羊舊譜周流火蟋蟀
新裁魏役車擘芻篝燈勤女手索綯乘口岸吾廬旁人莫作
桃源看蘆荻叢中是舊居

打漿輪漕泛短篷又隨隣叟賽年豐酒延田祖三升白券執
司農一印紅每以多魚朝薦鮓更從子貉歲私穰木棉裘煖
香糯滑坐待東皇斗柄東

渡荆江

歲晚荆南道言尋百二維馬蹄官渡雪帆腹大江風險阻存
天堦興亡閱霸功孫劉前日事遺恨水流東

歸家

萬里關山道一星離別情親朋從識面卑幼但知名近市觀
時尙營家策代耕枝棲如可託願作受廛氓

渡江

邗溝初過又南征問渡江天秋色清黃葉淺深隨岸遠紅船
不上趁潮平風生瓜步千帆直雲護金山一塔明猶憶昔年
舟北向驛前梅蕊送遙旌

橋李道中晚行

何須烟雨訪名樓野岸尋芳亦勝遊塔暗禪燈齋寺晚橋藏
漁火葦田秋頻聞鐵馬丁丁語猶聽練車乙乙抽今夜片帆
何處宿皇華館外重維舟

祝德

號止堂海寧人乾隆癸未進士
出編修官御史著說親樓集

施朝幹序曰余同年友止堂前輩於百氏之書靡不
誦習討論而皆以資爲詩其生平出處之節身世交際
聚散升沉之故有動于中皆以詩寫其情而不悖于義
其辭惟古淵博若弁變化如神龍在天翔雨迷離蛭
而不可測及其心孤往別開幽徑則又
令人掩卷而思執筆而嘆爲不能至也
吳錫麒序曰止堂先生學通五際才備九能聖聖之
思內修乎躬行能之態外溢乎結繩故能敷吻成淵
含笑發理餐花樹映陽門而生明唾地三篇和金石
而流馨驚才風逸絕調烟高不伴賈於鼎鐘不損華於
林淑交夏鷓鴣之韻雜寫魚鳥之歡
斯誠藝苑之鴻裁詩人之通矩也

馬伏波墓

飛鳳山南野草秋鷺聲長嘯使人愁
威靈銅柱先諸葛涼霧
蠻谿媿少遊馬革有情屍可裹
雲臺無命像難留滿墳蕙草
離離實還擬明珠幾斛收

漆園

豈獨文章妙其書至理存
大能尊孔子空不敢禪門夢覺關

從關洪濛局盡翻猶疑身善化蝴蝶滿寒園

虎牢關

參差廢壘玉門高氣壓巖關逼虎牢六國有兵連上黨三川
無險過成皋武莊立國藩籬固楚漢交烽甲仗塵千載登臨
在阮籍干卿何事首頻搔

題洞南集二首

寶劍長纓短後衣豪情蟠鬱興遊飛花開命妓朝行酒雪落
呼鷹夜打圍肝肺槎枒生傑句江山婉孌出新機三巴多少
詩人蹟工部而還此客稀

投老山陰守故園筆牀茶壺伴籬樊畫來團扇家家看數遍
殘碁局局翻大散關猶迴遠夢小朝廷竟忘中原可憐未暝
孤臣日使絕臨終廿八言

夢儀弟

我未識汝聲汝未識兄面呱呱何物啼夢中乃一見
不能將汝來寄書又不達斗粟一尺布誰復相存活
樓前小桃園是我舊遊處汝來戲其下彷彿牽襦袴
黃鶯東南飛兩翅大於輪孤征逐羽翼墮地還毳毼
幪轉牀席間燈火背窗暗攪定起尋蹤屋角殘月瞰

楊梅竹斜街藤花廳爲錢塘梁文莊公故第余二十二
年前曾一到昨訪客過此已爲逆旅主人藤花正開
亦衰悴非復舊觀矣感賦長歌

長安卉木紛如簣端賴名賢雷勝迹海波街成詩老廬

朱竹垞

蘇書屋在海波寺詩今猶存時晴齋說尚書宅

汪文端公第蘇花最盛

相公清望在

巖廊第一流傳翰墨香門外沙堤憑護築堂前花簿自平章

紫藤舊是前人種，繡闥七間蓋無縫。分得薇垣色最妍，倚來
蓮府名尤重。偶逢朝罷正花開，珠履貂冠笑語陪。那欠酒波
長似海，只嫌蠟淚未成堆。賞花不獨將花祝，百歲千春因獻
壽。紅杏春風總吉祥，黃花老圃非寒瘦。自知驕貴異凡葩，花
亦奔騰張去聲綺霞。夜逐火城相映發，朝撐華蓋遍周遮。主翁
一旦騎箕去，折券干縉他。姓據門館當時客，掃難投巢今聽
行人寓。雜杏庭階走保傭，巖櫬依舊度春風。晝梁燕去牽蛛
網，鈿砌人來捉馬通。十丈朱欄半欲歇，側婆娑花意羞無色。連
檐柯幹盡淒涼，滿地飄殘空歎息。賢郎與我夙論交，官拜司
空地。位高別構幽軒含，窈窕好排奇石出。嶮巒去年歸葬西
湖土，一片玲瓏誰作主。昨向門前問影蹤，傷心付與看錢虜。
高門與替幾多時，亦等花光有盛衰。平津廡廡尋常事，華屋

山邱無限悲

金山弔韓蘄王

雪花袞袞銀濤舞十丈神魚作前拒還似黃天蕩戰酣中權
亂擊夫人鼓維舟入寺一憑欄帆檣百道來蔽天樽桑星
射赤燄又如火箭飛空攢當時南渡中原改臣欲渡河帝入
海猶賴中流擊楫人能以全家當敵壘紅袍玉帶彼健者去
如脫兔龍堂下已喜先禽鐵爪鷹恨不盡斫拐子馬偏安半
壁要人扶朱仙鎮上忠旅俱東窗老魅正縛虎西湖居士聊
騎驢王自號清
涼居士千秋血淚灑英雄可惜飛騰戰伐功今日山
川似圖畫滿江猶作雌雄風

就陸後嬾不作詩車中偶吟一二首旋亦忘之入都應

酬嚴畢書以自解

詩濤要汪洋詩骨要峻陡詩情尙綺靡詩味貴沈厚更取詩
腸寬函納蔽衆醜亦須詩境佳天秀富擣取然後發爲文應
心斯得手刻礫秋後山婀娜春初柳哀猿叫澗峽寶劍煥星
斗作者摭性情讀者傳不朽今余亦何爲迂疎但墨守三年
廢禮樂禮樂壞已久言哀且未忘言歡更何有自從卽長途
稍稍啓豐蔀濟江遠長淮並岱陟衆阜皇天盛霖潦滂沛溢
田畝所歷齋趙郊不辨原與藪局躋坐柴車下帷閉新婦時
遭逆旅欺或被僕夫詬那當行役艱燃髭開笑口昨者入春
明息肩弛擔負故交三兩輩開尊勞我酒神魂乍棲泊塵壚
漸斗斲行當呼古人晤對商可否興來吟千章情往賦百首
蟲龍鳴乎秋鳥亦求其友莫將玉抵鵲安用金享帚僧壁或
籠紗鄰家或覆瓦毀譽聽時流自向元冥叩兵可百歲閒未

可一日狂詩可一日廢未可一字苟書成獨蹶然付之亾是叟

題簡田兄所藏李憲裔詩冊

不見李生久句杜清才誰與同詩能摹賈島書可亂邢侗遊子
太原雪故人京國鴻零縑裘潰得猶有老成風

朱

字桐川號笠亭海鹽人乾隆丙戌進士官中平知縣著江藻洲湖樓等集

陳鶴壽曰笠亭先生爲嘉禾七子之一宰阜平以文術飾吏治著述甚夥有金華詩錄及陶說已刊行

落葉次西峯韻尋軒標謝同作

古木疎枝淡碧天秋來行任總蕭然聲乾屐齒收殘雨影瘦
窗櫺墮曉烟忽聽蟬聲當落日似隨溝水暗流年青蒼不在
西風外笑折松枝悟勝緣

陌上桑

湖濱蠶桑不間戶浴種分簇伺饑候暖之節較他處

爲工假舊題詠今事以誌風俗

青青陌上桑亦在東南隅不歌邯鄲女聽我歌五湖湖濱作
蠶絲家家弄脚踟十三學織綺十四學織繻十五刺繡文十
六裁衣裾十七爲新婦花艷紅芙蓉陽春二三月采桑若爲
娛佩環節纖步障袖臨長途手提青絲籠身披紫綺襦風吹
合蟬鬢日麗雙鸞珠照耀約指銀柔條攀高株是時放蠶忙
催科不下符親朋絕往來耕忙闕犁鋤把蠶付小姑登萊周
百嬴三眠蒿梢上七日桐葉除收拾桂枝鈎添梯繫線車絲
絲動成匹纏綿意有餘支機天孫巧穿梭玉女俱薄將比龍
納奇欲奪天吳閭花蘸碧染簾蝶泥金塗製被合歡縫裝綿
同功絮通心有好錦嫁女致區區兩姓訂姻契百年爲良圖
繩繩長子孫但使蠶絲如夫壻自言好何必府中趨

白鳩篇

族祖誠齋篤門內之行親卒後廬于墓上白鳩來集
人以爲孝之感也其子族叔時南食貧守株終日以
旌父孝爲念竟得上聞入孝子祠爲假晉拂舞歌
辭舊題以紀其實

翩翩白鳩集于庭隅
禱禱門子感歎林鳥
林鳥反哺其羽純
黑曰今不能吞鳩化
白父兮母兮夕膳晨
蓋風樹不停貽我心
憂死矣父母父母有
子子心父母父母不
死墓門有鳩載鳴載
飛白華之潔照彼麻
衣永夕永朝皎皎如
雪孝哉班駘其性本
壹

落花

間步東園失舊蹊參差林樹綠初齊
酒闌客散風初定夢醒

香殘鳥自啼暮雨蕭蕭江閣冷輕烟漠漠板橋低不知帽影
鞭絲裏可有花飛受馬蹄

登山至茅庵小憩

海天本寥廓連山蔽光景遐心到層巔力怯氣偏猛纖徑出
松枿掛空懸若縷突兀忽趁人欹石壓我頂曳杖足先踟驚
魂目難逞仰干苦偏仄迴睨忽修整山阿結僧廬簷戶負崇
嶺其傍紛岐陀其下快情迴亂山俯的的原因橫叮叮偶瞰
籬落間春茶傍石井呼僧汲山泉小任試新茗落花共鳥墮
歸雲上衣冷坐聽鐘磬音蒲團發深省

磊軒北郭看梅用東坡松風亭下梅花詩韻索和奉酬

北郭五里梅花邨東風半夜吹冰魂城南詩人愛孤潔日日
鍵戶今窺隔參差籬落一片白光明四照忘朝昏翠鳥忽飛

夢乍破紅日欲下香仍溫清疎勝於白蓮社噓喻和似丹府
敞穿林折枝尙未足攜冰抱雪來打門席間衣薰紫素袖坐
上玉屑霏清言城頭角響畫吹雨且與同傾松葉樽

梅花下聽謝東君 彈琴

山館放梅花十枝已三四元暉抱琴來對花寫清泚一彈花
疑飛再彈花如醉動指續續彈聲聲雜花氣白雲橫空移明
月已在地忽得花外心別會琴中意聲罷悄無言倚欄橫短
袂未幾月影高花香照無睡

馬塍花歌弔姜白石

馬塍花發紅春風如嘯如笑雲逢逢當年想見吹簫人攜歌
小舫湖西東今來墓艸沒行跡不見小紅見新碧金蕉金縷
兩沉淪玉人玉友變今昔何須高樹晚吟蟬狼藉香衣怨柳

邊卽如寒食新煙裏卽有輕歌韻管絃從來花信隨風盡不
爲嗁入花亦損雪麋能護手栽花至今何處閣邊茵

對月待友人不至

松際月初上山中人未歸鐘聲何處起烟樹望中微瘦影閣
筇竹寒光明袷衣此時可乘興未得掩雙扉

南湖秋泛同陳秋宦珏作

鴛鴦湖裏鴛鴦浮竹葉尊開竹葉舟遠水白蘋明月渡隔溪
紅裏夕陽樓雲沉四面中流好香落西風小朵愁一路吟情
歸棹緩斷烟零雨總關秋

黃瀛元字葭塘號洲出於群人乾隆辛卯進士由翰林修官禮科給事中

元鳥孤栖曲蕭山輝前江進士余同年友也嘗以繼母

人之結構于注也夢雙飛鳥一元一白來集庭樹下
有五色羅過翠樹間取朱衣覆之而覺至今果驗固

作元鳥
孤栖曲

元鳥乘春風花叢獨含素白鳥映皓鮮連翩集庭樹

一庭樹

何離離雙鳥高下飛投來五色雛采色翻朱衣

二朱衣取覆

雛白鳥去何疾元鳥獨悲鳴中庭皎白日

三蕭山大義都兩

女同心居同居復同節烈烈王與徐

四解

翩翩接翅飛鸚鵡共

命鳥右翼忽摧頰寒霜疑木杪

五解

慘淡孤栖曲彈以寡女絲

歷歷一生事疇昔夢見之

六解

春風轉華敷際曉歸慈鳥羽儀

燦晨霞倚此五色雛

七解

仇養正

原名永清字蒙士號一鷗仁和人乾隆丁酉舉人官桐廬教諭著未學齋集

清平庵

蛇旋蟻磨上招提下視鱗鱗屋瓦齊一徑草花新雨後萬峯
晴日大江西有時松子簷邊墮盡日禽聲竹裏啼寺後寺前

兩折樽前錄

卷三十四

黃漢元仇養正

卒

俱入畫相將隨分此安棲

金陵懷古

六院繁華盡劫灰雲光猶說雨花臺瓊枝璧月催春去白馬
青袍動地來誰向新亭能下淚不堪狎客盡多才莫嫌庾信
長蕭瑟賦到江南自可哀

白下山川指碩雄片帆懷古大江東謝公棋局千戈裏江令
詞華粉黛中滿地石麟埋廢寢五更杜宇哭春風無情最是
青溪女依舊臙脂兩頰紅

菜花

咬根嚼葉年年事又見長堤三月黃草履踏青呼野叟瓦盆
盛酒對斜陽半間茅屋英雄老一稜春風七箸香眼界如子
真率甚不須桃李鬪芬芳

讀黃仲則遺詩慘然傷懷詩以哭之

布襪芒鞋賦北征市琴一碎動公卿青樓徧唱屯田曲金榜
終虛昭諫名山右銘旌悲遠道湖西尊俎卽平生春風春雨
王孫草不盡當時送別情

懷里中前輩三十二首

平生風義動公卿寂寂柴門自有聲聞道郭西遵老在一堆
草薦拜先生

毛稚黃

江山如此夕陽斜觸目傷心感物華百五春風依舊在有人

溪上哭梅花

徐孝先

金玉斯文不可磨起衰大力竟何如彌甥聞說工讎校不刻

山公一卷書

馮山公

臥榻閉門病更貧清波門外舊詩人黑煤塗劃字猶在黃雪

山莊草不春

徐紫珊

欲拜墓門誰是主亂鳥啼處獨鞭驢春來湖上閒花草生到

田家孝子廬

田守廬

案頭半幅欹斜字拜到詩人老穆門聞說西湖三兩月酒樓

花月坐黃昏

周穆門

一官一集編排好琴酒之餘別有思欲做先生刻詩例我詩

合號廣文詩

朱鹿田

一老歸田大有情舊聞軼事說江聲新年不少閒官長袖刺

畝門早拜鄰

金江聲

頓消鄙吝識君面秋盡潭空月上時若向世間誇絕技漢秦

碑板謝顏詩

梁秋潭

跨鶴揚州去莫遲玲瓏館裏極相思苕溪月上人何在忍讀

三唐斷句詩 厲樊榭

髣乎髣乎詩畫仙揚州賺得幾人憐生前遊食徒爲爾忍讀

梅花枉值錢 金壽門

龍泓居士真奇古戍削骨頭如老驄鐵筆獨傳秦漢法搜碑
終日在山中 丁鈍丁

大笑騎鯨遊碧落先生不是世間師手批善本書多賣死後

子孫誰得知 杭蕪浦

登壇許我掃三軍三十年來無此文放出一頭應有日不堪

宿草哭孤墳 陳勺山

其道居官我食貧并無琴鶴伴閒身歸田急把朝靴脫大布

寬鞵問野人 孫虛船

瘦削一藤爲健僕掛牆五岳作詩材霞情雲思誇鄉里踏編

名山歸去來

桑穀甫

草履織成長尺二山行穩步不欹斜當年桐竹雙清處半夜

讀書自煮茶

葉容水

校律離書無點差菜花多處布衣家生前別有安排術不誦

楞嚴卽法華

吳西林

先生老去病尤甚風雪單衣入酒家猶有少年清興在亂敲

棋子落瓶花

戴鶴亭

滿口說貧總耐貧不辭辛苦踏街塵年荒餓死吾知免參政

誇張有故人

楊誨仲

水南水北多奇士君是溫生并石生豈意活人方在手勲名

不著著詩名

汪槐塘

縱渴何心飲盜泉冷厨那得有炊爨文家詩派文家畫半鄰

羊裘十四年 周二學

詩腸書膽兩無嫌有髮稱僧張孝廉逢著屠門從不避瀾翻

舌本說楞嚴 張無夜

山中前事尋詩卷江上春鶯叫墓門偶問雲居讀書處白頭

僧是舊僧孫 柳曲江師

萬千愁裏好生涯君早云亡弟遠家丁卯詩兼酒器在不堪

依舊到瓶花 吳敦復

每逢君姪濰山話羨煞先生耐得貧鐵冶梅花郭婆井百年

供養老詩人 莫柳亭

如君怎不是神仙瀟灑風情勝樂天五十歸田九十死養親

以後養生年 吳昆田

破車一輛響如雷知是書房入直回三里河橋來腹痛更無

兩浙輶軒錄 仇養正

卷三十四

仇養正

奎

人喚去行杯

汪曉園

繭紙蠶頭鬱古情斯文煅煉似天成歸田爭說鄉前輩院長
依然老學生

李寶幢

舅氏翩翩筆欲仙文章脫手冠羣賢子規叫落峨眉月一枕
春遊三十年

傅體乾舅

曾記南湖掌教時風流儒雅是吾師安排筆硯花欄下倚馬
文章擊鉢詩

周靜仙

買魚沽酒客敲門瀟灑花前月下尊對屋青山無恙在高歌
詩句當招魂

李清渠

南屏拜張忠烈公墓

公諱煌言號蒼水前明累官兵部
乾隆四十三年

在九曜山昌化
伯邵林墓左

黃葉秋風路青山異代臣易名榮

國典拜墓哭詩人碧澗湖邊水花殘海上春英靈欣會合于岳兩家鄰

讀抱山堂詩

小倉山人得仙意丹徒先生通佛理不仙不佛者何人其中乃有青湖子青湖守道甘清貧詩句灑落皆天真胸中醞釀太和氣下筆散作人間春人間何處著此老湖上烟霞供揮掃偶然去作白門遊江山脫盡南朝橐歸來舊事說興亡酒庫茶坊問夕陽不見寒潮來白馬追思小劫換紅羊宮花殿草常懷古往往吹簫我擊鼓金地山前共醉醒水仙廟裏同歌舞轉瞬流光劇可憐蕭蕭白髮各盈顛多君別有長生術一卷新詩壽幾千

仲夏夢故人以余終期見示醒後成詩

在世年來百事慵，果能撒手亦從容。
準煩宋玉招魂魄，莫向君平問吉凶。
老矣尙愁餐首藺，歸興未必住芙蓉。
還思造物常兒戲，丁石應教地下逢。

昨夜無端噩夢驚，挽回遂已賦淵明。
最憐螺髻千峯碧，忍把鴻毛一死輕。
若屐算來能幾兩，騎牛從此話來生。
西湖不盡長回首，我自花時踏月行。

趙

瑾字東閣流懷阿錢塘監生著潛英山人吟草

次唐人蔡母潛韻書龍興寺所居

旅宿龍興寺，朝來靜掩扉。
爐烟紫佛座，花雨落人衣。
簷樹蟠雲際，山城抱翠微。
回看吳地接，離思寄鴻飛。

清明擬登南樓未果次陳棟坡給諫韻

白髮頻添不解愁，憑欄遙擬作清遊。
窗含暖日琴書靜，庭散

春風草木柔，泗水東山縣。聖澤秦碑魯殿古，南樓少陵遺蹟。
千秋在，登眺偏慳，竟日留。

立春日和王楷堂內弟韻

榮落循環雙鬢摧，鳥聲渾欲破寒來。晴巒薄霧銜初雪，華屋
新香發古梅。客思肯從殘臘去，好風還共早春回。隨時愛景
非行樂，百斛閒愁漫舉杯。

陳良謨

原名諱字叶堂號漱六仁和人
官歸仁司巡檢著漱六詩存

過玉山登舟

纔入江西路，揚舠便不同。耽行清澗水，怯駛下灘風。遠岫凝
烟碧，寒林返照紅。回看山色好，一樣畫圖中。

春日山居喜晴

積雨閉門久，天晴望遠空。霧銷春有色，雲靜野無風。薄宦能

藏拙清時不厭窮放懷聊自遣莫負曉窗紅

庭梅次韻

素質自高潔何妨近畫欄香浮東閣易夢到嶺頭難照夜色
逾白臨流影更寒南枝春信早相約座中看

陳王謨

原名磷字間林號半村仁和
人郡諸生著繡畦草堂雜著

湯禮祥曰半村以工書名占帖臨摹殆備
尤得力于率更承片有縮本蘭亭一卷

丁卯十月五十初度感懷

會向淮南學問津布衣羸馬踏縑塵青雲自有蔡龍客白骨
難爲買駿人不信乾坤容我在相逢肝膈有誰真每從漂母
祠前過獨倚闌干淚滿巾

金肇鑿

字羽階號存齋
錢塘人貢生

杭州府志文苑傳肇鑿少從馮翊學詩不妄示人
得見者族叔志章王曾施汪沆祥廷樞數子而已

孤山老梅

忽聞春信上梅花開到林逋處士家欲覓孤山真面目至今
猶有一枝斜

過焦石

水激危崖勢欲傾
篙師推挽費經營
分明一角瞿塘畫
我亦移舟畫裏行

翁大榮

字品三號道蘆錢鼎監生著唐詩
標音道蘆文集六桂山房詩彙

郎當嶺

平生屢危險識定意自騁著脚從實地放眼得超境將之雲
根遊取徑郎當嶺攜兒袖詩筒攀蘿鑑谿影高睇天門開鬱
若五雲併海風萬木摧流沙一道冷孤亭峙嶺巔坐坐發深
省亭額云坐坐去小子亦解詩五言獲要領敬慎乃不敗能作將來

警時大兒名濂從遊年十餘矣命占一絕云坐坐舟當下水

難泉自在山靜行隨青嶂去松竹秀而整爲謁祿大師世界

蓮花承

句山太史出示評注蘇文忠公詩

詩家史才卓千古唐有子美宋子瞻蘇蘇兩家注誰則
眼乎斷制嚴蘇詩四注八注並十注宋刊五家及新添後來
王施碩善本梅溪分類三失兼司諫父子一心力初自補注
多譏嫌自來注釋互舛漏又况文忠閱覽博物該洪緘羨君
才氣大如海一生得力眉山在東宮講讀餘清暇西園翰
墨摛文采手注坡詩貫百家俗沿譌謬從茲改當其游神與
古會心花結綻如蓓蕾豈謂韻律能致君所恨新法新義行
綠衣公言恨何補文昌新構空崢嶸易雅爲鴉觀爲鶴坐令

異學箴鼓鳴坡公洞見半山臆先生善得坡公情公生不屑
傍門戶猶慙杜老佞嚴武枯木應闕畫馬疑啼笑那許猩猩
伍栖歛粟如遺秉詩舊巢痕解放翁取皆本評註與諸家互
有同異而論特精確
示凡此會通真神明我誦一過颯風雨憶君舊宿白雲堂鬢
絲禪榻何清涼深谷畱風響未歇鼓山天籟靜逾長坡公出
禱確溪
荷僧舍詩深谷雷風終夜響勾山謂寫景逼真白竭來金臺
錄鼓山宿白雲堂句云有夢柯俱古無風積未收
話疇昔論詩且酌花間觴文忠忠愛少陵並請看百代貽芬

芳

王顯承

號筠亭孝豐貢生
著將就居則存草

張迎煦序畧曰筠亭天性過人其思親示弟諸作纏綿
吮筆足以興感又嘗遊京師兩院江奔走數千里所謀
既擴著作日富所居有玉泉竹塢諸勝
足供尋覽嘯傲抑境遇有以成之也

登宣州城

宛陵人物舊知名幾度登臨傍郭行秋月梧桐李供奉春風
桑柘謝宣城樓開疊嶂千重碧橋鎖雙溪一色清欲邀前轍
遺跡在憑高眺遠不勝情

敬亭山

敬亭高峙鎖晴煙直上岑樓眺遠天千樹影銜雙塔迴萬峰
翠聳一屏懸句谿似帶環相抱井堊如雲斷復連眼界拓開
生面別臨風獨坐憶青蓮

孫 襄

字牧堂諸暨貢生
著映雪堂詩鈔

曹秉鈞曰牧堂謙樞樂義每拈筆作古文詞皆有繁名
教詩筆氣和音雅一塵不染乾隆十八年歲大祿牧堂
出所儲助賑大吏奏
間授署儒林郎君方銳志科名辭不就餘暇則廣購書籍
藏映雪堂中手自校讐以貽後人著處坊
隨鈔藏于家余平時聞之誠徧格殿酒云

擬古

落日薄叢林涼露濕我衣所思在明月此夕足清暉遠道別
琴樽高堂違瞻依山川渺無際車馬行見稀尺書不在念遊
子澹忘歸

七里瀨觀打魚示兒元音

水清數鱗魚密網沿溪絡紛觸自於銀動機受束縛吾徒謀
晚頓百錢解翼素放生雖佛戒老饕亦作惡而况織鱗中種
化倘騰躍反之富春江放之使向若順彼活潑機快予胸中
壑戒殺蘇端明晚年如有約

泛富春江尋赤松子碑

典午先人澤碑文係祖諱岩作鑄琅述帝師赤松迷昔里黃絹想新

辭掘曰猶能度封苔未可知窺輒空李刻鏤鸞贗岐詩小信
春江駛名山夕照遲披圖重按蹟何處得趺龜

秋思

霧豁羣山曉，烟滋三徑幽。
小窗高極目，秋思獨登樓。
古岸蟬聲咽，寥天鴈影浮。
自來知宋玉，搖落不勝愁。

富春竹枝詞用從弟克基韻

萬个青堆一塢錢，大年春盡戶昇仙。
蘇松紙價昂於玉，肯種湖塹不易田。

采藥林深客到遲，白毛尖煮乳傾瓷。
居山魚蟹難爲禮，未餉

春江四月鱗

朝辭場口暮剛頭，生計頻從青箬謀。
萬壘春山江一直，毛船

風送到杭州

富春榜人攜婦

孫連玉

字監田一字璞巖山陰習

曹秉鈞曰璞巖怡情適性耽吟咏
味蕙從春山書卷浸味錄存數首

止水居

逝者如斯夫晝夜原不已化機豈暫停坎流有時止先澤沂
醴源淵然見性始

雲影池

鑿池開霜鏡皜皜淨無滓渺茲一勺多淵源欣有自天光雲
影中吾心正如此

鶴和堂

在陰一鶴鳴其子羣焉和惟能誠於中厥聲始遠播堂構紹
前聞深慚弗克荷

栢屏

古栢巧作屏亭亭曲而直歲寒乃見知新翠淨如拭桑梓必
敬恭愀然思手植

小渭川

霜爲蒼筤竹叢生密如帶蕭森得數竿千畝復何有猗猗思
昔賢臨風幾回首

蒨雲洞

雲梯欲共登凌雲誰見許子舍日繫思乘雲歸何處片寸解
石多悵望徒延佇

袁

果字正泉錢塘板貢生

酬平陽何蓉林明府餽酒饌與諸生同作

忽聞剝啄敢齋迎俾使分來宰肉平自昔壺漿分戰士祗今
孟酌集儒生吾儕好其今宵醉異日當如明府清翹首高樓
應未寢可容踏月過南城韓明府於南城

州軒錄卷三十四